

Վ. Պարամյան

ՀԱՅ-ՌՈՒՍԱԿԱՆ ՀԱՐԱԲԵՐՈՒԹՅՈՒՆՆԵՐԻ ՊԱՏՄՈՒԹՅՈՒՆՆԵՐ

Հայ ժողովրդի դարավոր բարեկամությունը ողջ մեծ ժողովրդի հետ, հանդիսանում է մեր պատմության փառավոր գրվագներից մեկը: Իր բազմադարյան պատմության մեջ հայ ժողովուրդը միշտ էլ լայն կապեր ու շփումներ է ունեցել Արևելքի ու Արևմուտքի մի շարք երկրների հետ, բայց դրանցից և ոչ մեկը այնպիսի խոշոր դեր չի կատարել նրա համար, ինչպես Ռուսաստանը: Առանձնապես վերջին մի քանի հարյուրամյակների ընթացքում այնքան սերտ, այնքան մտերմական են եղել հայ-ռուսական հարաբերությունները, որ հազիվ թե կարելի լինի նշել տնտեսական, քաղաքական և կուլտուրական կյանքի քիչ թե շատ աչքի ընկնող մի բնագավառ, ուր արտահայտված չլինի այդ հարաբերությունների բարերար ազդեցությունը:

Հայ-ռուսական հարաբերությունները ծնունդ են առել պատմական վաղ ժամանակներից, Ռուսական և հայկական աղբյուրները, նյութական կուլտուրայի հուշարձանները ցույց են տալիս, որ հայերը ռուսների հետ կապեր են ունեցել տակավին Կիևյան պետության շրջանում և նույնիսկ դրանից էլ առաջ: Հայ-ռուսական վաղ շրջանի այդ կապերի մասին առաջին գրավոր տեղեկությունները մեզ հաղորդում են Մովսես Կաղանկատվացին¹ (10-րդ դար), Ստեփանոս Տարոնեցին² (11-րդ դար), ինչպես և 11—12-րդ դարերի ռուսական աղբյուրները³: Այդ շրջանում հայերը ռուսների հետ շփվում էին Սև ու Կասպից ծովերի, Կովկասի, Բյուզանդիայի ու Բալկանների վրայով:

Ռուս պատմաբան Կարամզինը խոսելով 11—12-րդ դարերի Կիևյան Ռուսիայի առևտրի մասին, գրում է. «Ամեն տարի Կոստանդնուպոլսից Կիև էին գալիս առևտրական նավեր... Իտալացիք առևտրական ձեռնարկներ ունեին Հայաստանում թաթարների արշավանքից դեռևս մի քանի տարի առաջ... հույները, հայերը, հրեաները, գերմանացիք, մորավացիք, վենետիկցիք ապրում էին Կիևում, հրապուրվելով ռուսների հյուրընկալությունից և ձեռնտու ապրանքափոխանակությունից»:

Նույն հեղինակի վկայությամբ Կիևի իշխան Վլադիմիր Մոնոմախի

¹ Մովսես Կաղանկատվացու պատմությունն Աղուանից աշխարհի, 1912, Թիֆլիս, էջ 383—388:

² Ստեփանոս Տարոնեցու Ասողկան պատմությունն տիեզերական, 1885, ՍՊԲ, էջ 276—277:

³ «Полное собрание русских летописей», т. IX, 1862, том XI, 1897, М. Н. Тихомиров, Источниковедение истории СССР с древнейших времен до конца XVIII в., т. I, 1940.

⁴ Н. М. Карамзин, История государства Российского, т. III, стр. 209—201, СПб, 1816.

ժամանակ (1113—1125) Կիևում ապրում էին մեծ թվով հայեր, որոնցից առանձնապես հոգակ էր վայելում Վլ. Մոնոմախի բժիշկը¹։

Կիևյան Ռուսիայի հետ հայերի ունեցած կապերի մասին ուշագրավ փաստեր են բերում նաև Մ. Բժշկյանը², Ս. Գլինկան³, Հ. Քուչնեյանը⁴ և ուրիշները։

«Ռուս իշխանները,—գրում է Քուչնեյանը,—հայերին առաջին անգամ Կիև են հրավիրել 1009 թվականին, Բոլեսլավի դեմ մղվող պատերազմում իրենց օգնելու համար... Հայերը Ռուսաստանի այլևայլ մասերից Կիև են անցել և բնակություն հաստատել Լվովում ու Լուցկում»⁵։

Մի այլ տեղ նա գրում է, որ 1062 թվականին Կիևի իշխանը հայերին օգնության հրավիրեց պոլովցիների դեմ կռվելու համար. հայերը ամուր թիկունք եղան նրան և շատ արտոնություններ ստացան⁶։

Կիևից բացի, որը Արևմուտքում և Արևելքում հռչակված տնտեսական, քաղաքական ու կուլտուրական կենտրոն էր, 10—12-րդ դարերում հայերը ողջ Ռուսների հետ կապեր ունեին նաև Տմուտարականում (Թաման) և Մերձվոլգյան քաղաքներում։

Արարական ճանապարհորդ Ահմադ Իրն-Ֆադլանը, որը 10-րդ դարի սկզբին եղել է Վոլգայի բուլգարների մոտ, նկարագրելով իշխանի վրանը, գրում է. «Ճարի վրանը շատ մեծ էր, տեղավորում էր հազար հոգի, հատակը ծածկված էր մեծ մասամբ հայկական զորզերով»⁷։

Հայ-ռուսական վաղ շրջանի հարաբերությունների պատմության համար արժեքավոր է նաև Գրիգոր վարդապետ Տուտեբորդու (12-րդ դար) կաթողիկոսին զրած մի նամակը։ Հայտնի է, որ բյուզանդական կայսրությունը խիստ ճնշման ու հալածանքի քաղաքականությամբ էր վարում ոչ միայն հայ ժողովրդի, այլև հայկական եկեղեցու դեմ։ Այդ կապակցությամբ հայ եկեղեցու ներկայացուցիչները որոշում են ի թիվս այլ ազդեցիկ եկեղեցիների, դիմել նաև Ժմեծափառ եկեղեցւոյն ռուսաց, խնդրելով «պատշաճս ի նոցանէ»⁸։ Մեզ հայտնի չէ, թե ինչ ընթացք է ունեցել այդ դիմումը, բայց 12-րդ դարում բյուզանդական ագրեսիայի դեմ ռուսական եկեղեցու օգնությանը դիմելու գաղափարն ինքնին ուշագրավ երևույթ է։

Մեծ հետաքրքրություն են ներկայացնում 12-րդ դարում Կովկասի ունեցած կապերը Ռոստով-Սուզդալյան իշխանության հետ։ Ռոստով-Սուզդալի իշխան Անդրեյ Բոգոլյուբսկու որդի Յուրի Բոգոլյուբսկին, որը Վրաստան էր եկել և ամուսնացել Թամար թագուհու հետ, ակտիվ մաս-

¹ Н. М. Карамзин, История государства Российского, т. III, стр. 212, СПб., 1816, տես նաև проф. Л. А. Оганесян, История медицины Армении, т. II, стр. 66—70, Ереван, 1946.

² Մ. Բժշկյան, Ճանապարհորդություն ի Լեհաստան, 1830, Վենետիկ, էջ 84—85։

³ С. Глинка, Обзор истории армянского народа, ч. II, стр. 232, Москва 1833.

⁴ Հ. Քուչնեյան, Պատմություն դադթականության խրիմու Հայոց, 1895, Վենետիկ։

⁵ Նույն տեղում, էջ 187։

⁶ Նույն տեղում, էջ 186։

⁷ «Путешествие Ибн-Фадлана на Волгу», перевод и комментарии под редакцией акад. И. Ю. Крачковского, 1939, стр. 73, րնդգծումն իմն է. Վ. Պ.։

⁸ Տես ՀՍՍՏ Մատենադարան, ձեռագիր № 2966, «Արարատ», 1893 թ., № 1—5. Ա. Տեր-Միքայելյանի հոդվածը, Տեղեկագիր ՀՍՍՏ Գիտ. ակադ. Հաս. գիտ., 1948 թ. № 3. Այս. Մնացականյանի «Մոսկովյան միջնադարյան հայկական մի պոեմում» հոդվածը։

նակղություն է ունենում Անդրկովկասը սելջուկներից ազատագրելու գործին, Թուրքի Բոգոլյուբսկու գլխավորությամբ վրացական և հայկական զորքերը 1180-ական թվականներին սելջուկներից ազատագրում են Դվինը և Հայաստանի մի շարք այլ վայրեր¹։

Առևտրական և ռազմական կապերից զատ հայերը ոռոսների հետ ունեցել են նաև կուլտուրական կապեր։ 12—13-րդ դարերում հայերենից ոռոսերեն են թարգմանվել Տիրիգոր Պարթևի վարքը և Վերիսիմյան կույսերի վարքարանությունը։ Ռուսերենից հայերեն թարգմանվել է Քերիսի (Ռոմանի) և Գլերի (Դավթի) վարքարանությունը։ Նովգորոդի տաճարի ֆրեսկոներից մեկում պատկերված են Գրիգոր Լուսավորիչը և Հովսիսիմե կույսը։ 13-րդ դարում Անիի եկեղեցիներից մեկը զարդարել է ոռոս նկարիչ և սյուն²։

Ակադեմիկ Բ. Բ. Բրեկովը խոսելով Ռոստով-Սուզդալյան Ռուսիայի և Անդրկովկասի կուլտուրական կապերի մասին, գրում է. «Նշանակալից էին Ռուսիայի կապերը Անդրկովկասի հետ... Վրացա-հայկական արվեստի ազդեցությունը իր արտահայտությունն է գտել Ռոստով-Սուզդալյան Ռուսիայի շինարարության բնագավառում (Դմիտրիի տաճարը Վլադիմիրում)»³։

Այսպիսով, բերված փաստերը ցույց են տալիս, որ դեռևս 10—13-րդ դարերում ոռոսների ու հայերի միջև գոյություն ունեին առևտրական, ռազմական և կուլտուրական շփումներ ու կապեր։ Ճիշտ է, վաղ շրջանի այդ կապերն ու շփումները տակավին էպիզոդիկ բնույթ էին կրում, բայց դրանք կարևոր նշանակություն ունեցան երկու ժողովուրդների հարաբերությունների հետագույն զարգացման համար։

13—14-րդ դարերից սկսած հայ-ոսմանական հարաբերությունների շրջանը գնալով ընդլայնվում է։

13-րդ դարի սկզբներին Հայաստանը գեո նոր էր չունչ քաջել սելջուկյան արշավանքներից, երբ ենթարկվեց մոնղոլական ավերիչ արշավանքների հարվածին։ Մոնղոլները, ինչպես ժամանակակից պատմիչ Կիրակոս Գանձակեցին է նկարագրում, մորեխի նման ծածկեցին Հայաստանի դաշտերն ու լեռները⁴։ Մոնղոլական տիրապետության շրջանում Հայաստանի տնտեսական կյանքը շտեմնված անկում ապրեց։ Ավերվեցին ու ամայացան երբեմնի շեն քաղաքները (Անի, Դվին, Կարս) և բազմաթիվ գյուղեր։ Բնակիչները ծանր հարկերից, սովից ու համաճարակից փրկվելու համար, սկսեցին մասսայաբար փախչել ու անցնել ուրիշ երկրներ։ Մոնղոլական արշավանքի լուծը, ինչպես ուրիշ երկրներում, այնպես էլ Հայաստանում, Մարքսի խոսքերով ասած՝ «ոչ միայն հնչում, այլև վիրավորում ու մաշում էր նրան զոհ դարձած ժողովրդի հոգին»⁵։

Մոնղոլական տիրապետության շրջանում Հայաստանի քաղաքներից ու գյուղերից մեծ թվով հայեր գաղթում անցնում են Փոքր Ասիայի արե-

¹ С. Т. Еремян, Юрий Боголюбовский по армянским и грузинским источникам, отдельный оттиск из XXIII тома, «Научные труды» Ереванского Госунта, 1946.

² Sht. Л. М. Меликсет-Бек, Древняя Русь и Армения, отдельный оттиск из первого тома, «Сборник трудов» Ин-та языка АН Арм. ССР, 1946.

³ Б. Д. Преков, Киевская Русь, Москва, 1949, стр. 429.

⁴ Կիրակոս Գանձակեցի, Պատմութիւն հայոց, 1908, Թիֆլիս, էջ 223։

⁵ К. Маркс, Секретная дипломатия XVIII века.

վելյան շրջանները, Վրաստան, Հյուսիսային Կովկաս, Արիմ, Ռուսաստան, Լեհաստան և այլ երկրներ: Հայերի այս նոր գաղթի հետևանքով 13—14-րդ դարերում նկատելի չափով աճում է նաև Ռուսաստանի և սլավոնական մյուս երկրների հայ բնակիչների թիվը: Այստեղ, հայերը գտնելով կյանքի անհամեմատ ավելի նպաստավոր պայմաններ, զբաղվում են առևտրով, արհեստներով, երկրագործությամբ, մոտիկից շփման մեջ մտնում ռուսների և մյուս սլավոն ժողովուրդների հետ:

Առևտրական աշխույժ գործունեություն են հանդես բերում առանձնապես Արիմի հայերը, որոնց մի զգալի մասը գաղթել էին Անիից:

13—15-րդ դդ. մինչև Կաֆան թուրքերի կողմից նվաճելը (1475 թ.) Արիմի հայերը, Վենետիկի ու Ջենովայի վաճառականների հետ, իրենց ձեռքում էին կենտրոնացրել Սևծովյան ափերի հարուստ առևտուրը: Կաֆայի շուրջը ստեղծվել էին մի շարք հայկական բնակավայրեր, կառուցվել բազմաթիվ եկեղեցիներ, ամրություններ: Արիմի հայկական գաղութը անվանվում էր «Ծովային Հայաստան» (Armenia Maritima): Ռուսական առևտուրն էլ Փոքր Ասիայի, Անգրիովկասի, Կիլիկիայի հայկական թագավորության, Պարսկաստանի և մյուս երկրների հետ մինչև 15-րդ դարը գերազանցապես Արիմի վրայով էր կատարվում, որը և մեծապես նպաստում էր հայ-ռուսական կապերի ընդլայնմանը:

Արիմից բացի, մեծ թվով հայեր ապրում էին նաև Լեհաստանում, Դալիցիայում, Մոլդավիայում, Վալախիայում և Տրանսիլվանիայում:

14-րդ դարից սկսած մեծ հռչակ է ձեռք բերում Լվովի հայ գաղութը, որը Արևելյան Եվրոպայի ամենախոշոր հայկական կենտրոնն էր: Լվովում ապրում էին մեծ թվով հայ առևտրականներ, արհեստավորներ, կուլտուրայի և արվեստի աշխատողներ: Լվովում կային ամբողջ հայկական թաղամասեր, եկեղեցիներ, դպրոց, հայկական դատաստանագրքով առաջ-նորդվող դատարաններ, իսկ հետագայում հիմնվում է նաև հայկական տպարան և թատրոն: Հայերից շատերն այստեղ աշխատում էին գիտնականական ասպարեզում, կատարում էին թարգմանի և այլ պաշտոններ: Ինչպես Արիմի, այնպես էլ Լվովի հայերը, ակտիվ մասնակցություն էին ունենում Հարավային Ռուսաստանի, Լեհաստանի և Արևելյան Եվրոպայի մի շարք այլ երկրների ներքին ու արտաքին առևտրին: Հայկական այս գաղութների միջոցով էին գերազանցապես տեղի ունենում հայ-ռուսական և հայ-լեհական հարաբերությունները:

Հայերի կապերը ռուսների և մյուս սլավոնական ժողովուրդների հետ այն աստիճան ամուր էր, որ երբ 1410 թվականին գերմանա-տևտոնական օրդենի շուն ասպետները արշավեցին սլավոնական հոգերի վրա, նրանք ռուսների, լեհերի ու լիտվացիների հետ միասին ոտքի կանգնեցին գերմանացիների դեմ կռիվելու համար: Հայկական երկու գնդեր մասնակցեցին 1410 թ. հուլիսի 15-ին տեղի ունեցած Վրյունովալդի ճակատամարտին, որտեղ գլխավորին ջախջախվեցին գերմանական զավթիչները:

Հայ-ռուսական կապերի ու շփումների կարևոր վայրերից էր նաև Ասարախանը: Հին ժամանակներից սկսած ռուսները Կազանի ու Աստրախանի վրայով առևտրական կապեր ունեին Արևելքի երկրների հետ: Արիմը թուրքերի կողմից գրավելուց հետո, Կազանի ու Աստրախանի նշանակությունը արևելյան առևտրի համար միանգամից բարձրացավ: Ռուս վաճառական-

ները փորձեր արեցին առևտրական այս նոր ճանապարհով կապվել Արևելքի ու Մերձկասպյան երկրների հետ։ 15-րդ դարում Ռուսաստանի հետաքրքրությունը Արևելքի երկրների նկատմամբ այնքան էր աճել, որ Տվերի նշանավոր վաճառական Աֆանասի Նիկիտինը, Վասկո դա Գամայից 30 տարի առաջ, 1466—1472 թթ. Վոլգայի, Աստրախանի, Շամախու, Իսփի, Գիլանի, Պարսկաստանի վրայով հասավ մինչև Հնդկաստան¹։

Մերձկասպյան և Մերձվոլգյան երկրներում Անգրևիկոսի և Հայաստանի առևտրականները ինչպես առաջ, այս շրջանում ևս առևտուր էին անում ռուսների հետ։ Բայց, ինչպես կտեսնենք հետագայում միայն, 16—17-րդ դարերում, Աստրախանը դարձավ Ռուսաստանի արևելյան առևտրի գլխավոր կենտրոն։

Հայ-ռուսական հարաբերությունների զարգացման համար կարևոր նշանակություն ունեցավ Մոսկովյան իշխանության հզորացումը և թաթարների դեմ նրա տարած պատմական հաղթանակը։

1380 թ. Կուլիկովյան ճակատամարտում տարած հաղթանակից հետո, երբ Մոսկովյան իշխանության շուրջը սկսեցին համախմբվել ռուսական հողերը, իրենց հայացքը դեպի Մոսկովա դարձրին նաև թաթարական լծի տակ տառապող հայերը։

Ընկեր Ստալինն ասում է, որ «թուրքերի, մոնղոլների և Արևելքի մյուս ժողովուրդների արշավանքից ողջուպանվելու շահերը պահանջում էին տնտեսապես կազմել արշավանքի թափը կասեցնելու ընդունակ կենտրոնացված պետություններ»²։

Մոսկովյան իշխանությունը իր շուրջն էր համախմբում ոչ միայն ռուսական հողերը, այլև իրեն հետ կապում թաթար-մոնղոլների լծի տակ հեծող ոչ ռուս ժողովուրդներին, այդ թվում և հայերին։ Պատահական չէ, որ 14—15-րդ դարերից սկսած միջնադարյան հայ պատմիչների (Ստեփանոս Օրբելյան, Կիրակոս Գանձակեցի և ուրիշներ) և հայ գրողների (Ֆրիկ, Կ. Բաղիշեցի և ուրիշներ) գործերում ավելի հաճախակի ենք հանդիպում ռուսների ու Մոսկովայի մասին հիշատակությունների։ Ուշագրավ է, որ 14—15-րդ դարերի հայկական մի պոեմում մեծ համակրանքով է խոսվում Մոսկովայի մասին։ Մոսկովայի թագավորը պոեմում հանդես է գալիս որպես գլխավոր հերոս, ուժեղ և գեղեցիկ։ Մոսկովյան բարձր է դասվում այնքան հռչակված Հռոմից³։

Մոսկովայի վերելքի, նրա տնտեսական և քաղաքական դերի բարձրացման այս շրջանում է, որ հայերն սկսում են կապվել նրա հետ, բնակություն հաստատել այնտեղ, հիմք դնել հայ գաղութի «կասկածից վեր պետք է համարել,—գրում է Մոսկովայի հին պատմությանը լավատեղյակ, պրոֆ. Մ. Ն. Տիխոմիրովը,—քիչ թե շատ տևական հայ գաղութի գոյու-

¹ Տես «Хождение за три моря Афанасия Никитина 1466—1472 гг.», под редакцией акад. Б. Д. Грекова и чл.-корр. АН СССР В. П. Адриановой-Перетц, 1948, М—Л.

² Ի. Վ. Ստալին, Երկեր, հ. 5, էջ 38։

³ Տես Պետական համալսարանի «Գիտական աշխատություններ», հ. 27, 1948, պրոֆ. Ա. Արրահամյանի «Ռուս ժողովուրդը և Մոսկովյան միջնադարյան հայ մատենագրության մեջ» հոդվածը և ՀՍՍՌ ԳԱ Տեղեկագիր, 1948, № 3. Աս. Մնացականյանի «Մոսկովյան միջնադարյան հայկական մի պոեմում» հոդվածը։

թյունը Մոսկվայում, որը կազմված էր XV դարի սկզբում քաղաքի արվարձանում (посад) բնակվող հայերից¹։ Նա ուսումնական տարեգրություն² բերում է մի ուշագրավ վկայություն այն մասին, որ 1390 թվականին Մոսկվայի հրդեհի ժամանակ այրվել է նաև ոմն հայ Արրահամի տունը («Загорелся посад за городом от Аврама некоего арменина»)³։ Այնուհետև, խոսելով արևելյան երկրների հետ Մոսկվայի ունեցած առևտրի մեջ հայերի մասնակցության մասին, պրոֆ. Մ. Ն. Տիխոմիրովը գրում է. «Հայ վաճառականները առևտրի մեջ մեծ գործունեություն էին հանդես բերում։ Նրանց միջոցով Վոլգայի վրայով տրանզիտային առևտուր էր կատարվում Ռսկե Հորդայի, Անգրիովկասի և Պարսկաստանի հետ...

Մոսկովյան առևտրական գործարքների մեջ հայերի մասնակցությունը բոլոր երևույթին աննշան չի եղել։ Վատելով այն մի քանի ակնարկներից, որոնց իմաստը մեզ համար պարզ կլինի միայն այն դեպքում, եթե բնորոշենք, որ մոսկովյան հասարակության մեջ հայկական տարրը նկատելի է եղել⁴։ 14—15-րդ դարերում Վոլգայի վրայով Մոսկվայի հետ առևտուր կատարող արևելյան ժողովուրդների թվում ուսումնական տարեգրություններում հիշատակվում են նաև հայերը⁵։

Այսպիսով, 13—15-րդ դարերում, Հայաստանի համար ստեղծված քաղաքական ծանր պայմանների հետևանքով, մեծ թվով հայեր գաղթում ու բնակություն են հաստատում Ռուսաստանում և հարևան սլավոնական երկրներում։ Եկատելի չափով անում է Ռուսաստանի հայ բնակչության թիվը։ Հայերն իրենց նոր բնակավայրում գտնում են կյանքի ու աշխատանքի համեմատաբար նպաստավոր պայմաններ, մոտիկ կապեր են հաստատում ռուսների և սլավոնական մյուս ժողովուրդների հետ։ Ռուսաստանի հայ գաղութների միջոցով սովելի են ընդարձակվում ու ամրապնդվում հայ-ռուսական հարաբերությունները։

15—16-րդ դարերից սկսած հայ-ռուսական հարաբերությունները սկսում են զարգանալ միջազգային և ներքին նոր իրադրությունների պայմաններում։

1453 թվականին թուրքերը գրավում են Կոստանդնուպոլիսը. ընկնում է բյուզանդական կայսրությունը։ Այնուհետև թուրքական զավթիչները գրավում են Իսթանբուլը, Ղրիմը, Փոքր Ասիան, Միջագետքը։ Կոստանդնուպոլիսը թուրքերի ձեռքն անելուց և 1498 թվականին Վասիլո դա Իսմայի կողմից Հնդկաստանի ծովային ճանապարհը հայտնագործելուց հետո, հիմնովին փոխվում են միջազգային առևտրական ուղիները։ Հայաստանի վրայով անցնող հնագույն տրանզիտային առևտրական ճանապարհը կորցնում է իր նշանակությունը։

16-րդ դարի սկզբներից երկարատև պատերազմներ են սկսվում թուրքերի ու պարսիկների միջև։ Հայաստանը դառնում է թուրք-պարսկական ավերիչ պատերազմների թատերաբեմ և նյութական ու մարդկային չափազանց մեծ կորուստներ է ունենում։ Թուրքական զավթիչները անխնա կեր-

¹ М. Н. Тихомиров, Древняя Москва, 1947, Москва, стр. 142.

² „Полное собрание русских летописей“, т. XVIII, стр. 140.

³ М. Н. Тихомиров, Древняя Москва, стр. 142.

⁴ Նույն աեղում, էջ 142—143։

⁵ П. С. Р. Л., т. XVIII, стр. 104.

սլով կողոպտում, ավերում ու ամառացնում էին Հայաստանի գյուղերն ու քաղաքները, կասեցնում ու ետ մղում երկրի տնտեսական զարգացումը, ժամանակակից պատմիչ Առաքել Դավրիժեցին (1595—1669) նկարագրելով թուրքերի ավերածությունները, գրում է. «Ջամենայն գեղօրայս գաւառացն Արարատու յաւեր և յապականութիւն դարձուցին»¹։ Զաքարիա Քանաքեռցին (1627—1700) նկարագրելով 17-րդ դարի Երևանի խանության ծանր վիճակը, գրում է. «Եւ էր տագնապ մեծ յաշխարհին Արարատեան... րազմացան աւազակք ի ճանապարհի. և գողք ի շէնս. վասն այս պատճառի ոչ ոք կարէր գնալ ի ճանապարհ, զի կողոպտէին։ Եւ ի բազում եկեղեցիս մտին գողք և աւեր առին։ Եւ այսպէս կար երկիր ամենայն ի մէջ բազում տառապանաց»²։

Թուրքիան և Պարսկաստանը 1639 թվականին Հայաստանը վերջնականապես բաժանում են իրար մեջ, ըստ որում Հայաստանի արևմտյան մասը ընկնում է թուրքական լծի տակ, իսկ հյուսիս-արևելյանը՝ պարսկական։ Հայ ժողովրդի պատմության մեջ սկսվում է ծանր ու մռայլ մի ժամանակաշրջան, երբ, ինչպես Խ. Վ. Ստալինն է ասում, «...պարսկական ու թուրքական ասիմիլատորները հարյուրավոր տարիներ ծվատում, խոշտանգում ու բնաջնջում էին հայ և վրացի ազգերին»³։

Այն ժամանակ, երբ թուրքական ու պարսկական էքսպանսիայի հետևանքով Հայաստանի տնտեսական և կուլտուրական կյանքը անկում էր ապրում, Ռուսաստանը, ընդհակառակը, տնտեսապես և քաղաքականապես ավելի ու ավելի աճում ու զարգանում էր, ձեռք բերելով միջազգային խոշոր նշանակություն։ Ռուսական ազգային պետության կազմավորումը Իվան III-ի և Իվան IV-ի ժամանակ, մեծ չափով նպաստեցին երկրի տնտեսական զարգացմանը։ Այդ շրջանում տեղի ունեցավ ռուսական հողերի համախմբումը, ներքին տնտեսական կապերի ու ժեղացումը առանձին մարզերի միջև և տեղական մանր շուկաների համակենտրոնացումը մի ընդհանուր համառուսական շուկայի մեջ։ Ռուսաց պատմության միմիայն նոր շրջանն է (մոտավորապես 17-րդ դարից սկսած), որ բնորոշվում է բոլոր այդպիսի շրջանների, երկրների ու իշխանությունների իսկապես փաստական միաձուլմամբ մի ամբողջության մեջ։ Այդ միաձուլումն առաջ էր եկել... շնորհիվ մարզերի միջև ու ժեղացող փոխանակության, աստիճանաբար աճող ապրանքային շրջանառության, տեղական փոքրիկ շուկաների համակենտրոնացման ու մեկ համառուսաստանյան շուկայի ստեղծման»⁴։

Ռուսաստանի ներքին առևտրի ու արհեստների զարգացման հետ միաժամանակ արագ թափով զարգանում է նաև արտաքին առևտուրը։ 1553 թվականին հյուսիսային առևտրական ճանապարհը հայանագործելուց հետո, Ռուսաստանը աշխուժ առևտուր է սկսում Անգլիայի, Հոլանդիայի և Շվեդիայի հետ։ Ռուսաստանի հյուսիսային քաղաքները (Նովոգորոդ, Պսկով և այլն) հետզհետե վեր են ածվում առևտրական աչքի ընկնող կենտրոնների, իսկ Արխանգելսկը դառնում է Արևմուտքի հետ ունեցած ռուսական առևտրի գլխավոր կենտրոնը։

¹ Պատմութիւն Առաքել վարդապետի Դավրիժեցույ, 1896, Վաղարշապատ, էջ 83։

² Զաքարիա Սարկավադի պատմագրութիւն, մ. 2-րդ, էջ 89, 135, 1870, Վաղարշապատ։

³ Խ. Վ. Ստալին, Երկեր, հ. 11, էջ 393, 1948. Երևան, Ընդգծումն իմն է, Վ. Գ.

⁴ Վ. Ի. Լենին, Երկեր, հ. 1, էջ 178, Երևան։

16—17-րդ դարերում ռուսական առևտրի մյուս գլխավոր կենտրոնը Աստրախանն էր: Գտնվելով Վոլգա-Կասպից ծով խիստ նպաստավոր առևտրական ճանապարհի վրա, 1556 թվականին Աստրախանը գրավելուց հետո Ռուսաստանն այն դարձնում է Արևելքի հետ ունեցած առևտրի գլխավոր կենտրոն: Աստրախանի, ինչպես և Վազանի (1552 թ.) գրավումը մեծ չափով նպաստում են Ռուսաստանի տնտեսական և քաղաքական կապերի ամրապնդմանը Արևելքի հետ: Ճեթե Արխանգելսկը 16—17-րդ դարերում Արևմուտքի հետ ունեցած առևտրի գլխավոր կետն էր, ասում է ռուսական առևտրի պատմաբան ռուսոմնասիրողներից՝ Պ. Մելգունովը, ասլա Ռուսաստանի հարավում, նույն այդ շրջանում, այդպիսի դեր կատարում էր Աստրախանը... Աստրախանում նույնիսկ ավելի շատ էին լինում զանազան ժողովուրդների ներկայացուցիչները¹:

Վ. Օ. Կլյուչևսկին գրում է, թե 17-րդ դարում Աստրախանը և Արխանգելսկը մոսկովյան պետության արտաքին առևտրի գլխավոր կետերն էին²:

17-րդ դարի 30-ական թվականներին Աստրախան այցելած Գուլշտինյան դեսպանության քարտուղար Ադամ Օլեարի վկայությամբ, Աստրախանում ապրում և զանազան ապրանքների առևտուր էին անում ռուսները, պարսիկները, հայերը, թաթարները, բուխարացիք և ուրիշները: Պետությունը այդ քաղաքից տարեկան ավելի քան 12 հազար ռուբլու մաքս էր գանձում: Օլեարի ասելով 17-րդ դարում տարի էր լինում, որ ռուս առևտրականները մեկ միլիոն ռուբլուց ավելի մորթիներ էին վաճառում, 20 հազար ցենտներ մոմ³: Պատմաբան Կարամզինը գրում է, թե «Պարսիկ և հայ առևտրականները ամենից ավելի Վոլգայի ափերին էին փնարում մեր մորթիները»⁴: Կլյուչևսկու ասելով Աստրախանից տարեկան 4—5 հարյուր հազար ռուբլու մորթիներ էին արտահանվում⁵:

Մոսկովյան պետության 16—17-րդ դարերի առևտրի մասին գրած իր ռուսոմնասիրության մեջ Ն. Գոստոմարովը ասում է, թե Իվան IV-ի ժամանակ Աստրախանը սկսվում է լցվել Շամախու, Դերբենտի, Յուրգենթի և արևելյան այլ քաղաքների առևտրականներով⁶:

Որպես Արևելքի հետ ունեցած ռուսական առևտրի գլխավոր կենտրոն, Աստրախանը 16—17-րդ դարերում գտնում է նաև հայ-ռուսական առևտրական կապերի հանգույցակետ: Հայաստանից, Անդրկովկասից, Պարսկաստանից ու այլ վայրերից հայերը հետզհետե կենտրոնանում են Աստրա-

¹ П. П. Мельгунов, Очерки по истории русской торговли IX—XVIII вв., 1905, Москва, стр. 228—229.

² В. О. Ключевский, Сказания иностранцев о Московском государстве, 1918, Петроград, стр. 252.

³ «Подробное описание путешествия Голштинского посольства в Московию и Персию в 1633, 1634 и 1639 годах, составленное секретарем посольства Адамом Олеарием», пер. с немецкого П. Барсов, 1870. Москва, стр. 455.

⁴ Н. М. Карамзин, История государства Российского, т. VII, стр. 131, 1817.

⁵ В. О. Ключевский, Сказания... стр. 297.

⁶ Н. Костомаров, Очерки торговли Московского государства в XVI—XVII столетиях, 1862, СПб., стр. 43.

խանում, բնակություն հաստատում այնտեղ, առևտրով ու արհեստներով պարապում։ Այդ շրջանից սկսած հետզհետե կազմվում է Ռուսաստանի ամենախոշոր հայկական օջախներից մեկը՝ Աստրախանի հայ գաղութը։

Կազանի ու Աստրախանի գրավումից հետո, Արևելքի հետ աշխույժ առևտրական կապեր հաստատելու պրոցեսում լաճում է Ռուսաստանի հետաքրքրվածությունը նաև Անդրկովկասի ու Հայաստանի նկատմամբ և գործնական հունի մեջ դրվում կովկասյան ժողովուրդների հետ մոտիկ հարաբերություններ ստեղծելու հարցը։ Մոսկովյան պետությունը մի շարք անգամներ դեսպաններ ու ճանապարհորդներ է ուղարկում Կովկաս և մանրամասն տեղեկություններ հավաքում երկրի բնակչության աշխարհագրական պայմանների, բնական հարստությունների, քաղաքական կազմի և այլ հարցերի վերաբերյալ¹։

Ռուսաստանի քայլերը Կովկասի և Պարսկաստանի հետ տնտեսական-քաղաքական կապեր հաստատելու ուղղությամբ սերտորեն կապվում էին թուրքական էքսպանսիայի դեմ պայքարելու, Պարսկաստանը և Կովկասը հակաթուրքական կռիվների մեջ ներգրավելու հարցի հետ²։

Աստրախանի գրավումը, Ռուսաստանի սահմանակից դառնալը Անդրկովկասին և Վոլգա-Կասպից ծով մագիստրալով Արևելքի հետ կատարվող առևտրի աշխույժացումը նոր պայմաններ ստեղծեցին հայ-ոսմանական տրնտեսական, ինչպես և քաղաքական ու կուլտուրական կապերի հետագույն զարգացման համար։ Թուրքական ու պարսկական լծի տակ հեծող հայերը և Անդրկովկասի մյուս ժողովուրդները սկսեցին ավելի մեծ հույսեր կապել Հյուսիսի հարևանի՝ Ռուսաստանի հետ։ Պատահական չէ, որ Մոսկովյան հայերը ջերմությամբ էին ընդունում Իվան IV-ի Արևելքում տարած հաղթանակի լուրը։ Ռուսաստանի տնտեսական ու քաղաքական ազդեցության տարածումը Արևելքում, միանգամայն նպաստավոր եղավ նաև հայ առևտրականների համար։

16—17-րդ դարերում հայ վաճառականները աչքի ընկնող դեր էին կատարում Անդրկովկասի, Պարսկաստանի և Թուրքիայի առևտրի մեջ։ Նրանք գործունե մասնակցություն էին ունենում նաև Արևելքի ու Արևմուտքի միջնորդ առևտրին։ Մեծ հռչակ էին ձեռք բերել մասնավորապես ջուղայեցի հայ վաճառականները (խոջաները), որոնք գերազանցապես զբաղվում էին մետաքսի, ներկերի և թանկագին քարերի առևտրով³։ 16-րդ դարի երկրորդ կեսում հայ առևտրականները մեծ քանակությամբ մետաքս և այլ ապրանքներ էին վաճառահանում Շամախիում, ուր գալիս էին Ռուսաստանի, Պարսկաստանի, Բուխարայի, Խիվայի և արևմտա-եվրոպական

¹ „Посольства князя Мышецкого и дьяка Ключарова в Кахетии 1640—1643“, издал М. Полиевктов, Тифлис, 1928, „Посольство стольника Толочанова и дьяка Исвлева в Имеретию 1650—1652“, издал М. Полиевктов, Тифлис, 1926. ՀԱՅԻՐ ԳԻՏԱԿԱԳ. Տեղեկագիր, 1931, № 3, Ս. Արեշյանի „Заметки русских путешественников об Армении“ հոդվածը և այլն։

² Տես проф. Н. А. Смирнов, Россия и Турция в XVI—XVII вв., тт. I и II, 1946, Москва.

³ Տես Հ. Ե. Լեո, Խոջայական կապիտալը և նրա քաղաքական-հասարակական դերը հայերի մեջ, Երևան, 1934; Հայոց պատմություն, հատ. 3-րդ, Երևան, 1948, Շ. Բ. Тер-Авс-тисьян, Город Джуга, Тбилиси, 1937.

առևտրականները: Շամախին, ինչպես և Գիլանը, մետաքսի առևտրի հայտնի կենտրոններ էին: 16—17-րդ դարերում հայ վաճառականները Թուրքիայի վրայով մետաքս և արևելյան այլ ապրանքներ էին տանում Վենետիկ, Ամստերդամ և եվրոպական մի շարք այլ քաղաքներ: Վենետիկյան ջուղայեցի խոջաների սիրած վայրն էր, գրում է պրոֆ. Լեոն¹: «1570 թվականին, ասում է Ալիշանը, ջուղայեցիք շատ ապրանքով զրկած էին ի Վենետիկ»². Նոր Զուղայի մասին գրած իր երկհատոր աշխատության մեջ Հ. Տեր-Հովհանյանը, փաստական հարուստ մատերիալի հիման վրա, ցույց է տալիս, որ ջուղայեցի հայ վաճառականները զնում էին Անգլիա, Հոլանդիա, Իտալիա, Ֆրանսիա, Ռուսաստան, Լեհաստան, Շվեդիա, Անգրկոկաս, Հնդկաստան, Թուրքիա, Արարիա և այլ երկրներ: Քաղաքի վաճառականությունն Զուղայեցիոց,— գրում է նա,— ձգեցաւ ընդ ամենայն աշխարհ»³:

Զուղայեցի հայ վաճառականներից շատերը՝ խոջա Փսնոս, խոջա Պոռոս, խոջա Պետրոս, խոջա Գերաք, Շահրիմանյաններ և ուրիշներ կապված էին Արևելյան հնդկական ընկերության, իտալական հայտնի առևտրական տների և ուրիշ առևտրական ընկերությունների հետ: Քերաք որդի տղայ Յակորայ,— գրում է Տեր-Հովհանյանը,— երևելի էր ի վաճառականության, որոյ տուր և առույթեան բազուկ ձգեալ կայր յԵւրոպայ, և ի կողմն Աստրախանայ և Գիլանայ»⁴:

Հայ առևտրի պատմության համար բացառիկ հետաքրքրություններ կայացնող Քյնյիսի մի աղբյուր, ինչպիսին 17-րդ դարի վաճառական Ջաքարիա Ագուլեցու օբազրությունն է⁵, ամբողջությամբ հաստատում է հայ առևտրական կապիտալի Ասիայում և եվրոպայում ունեցած ծավալուն գործունեության փաստը:

Ուշագրավ է, որ ջուղայեցի հայ առևտրականները իրենց տնտեսական գործունեության հետ միաժամանակ երևան են բերում նաև հասարակական, քաղաքական և կուլտուրական գործունեություն: Նրանցից ոմանք ելնելով նոր, բուրժուական հարաբերությունների զարգացման պահանջներից, միջոցներ են տրամադրում զպրոցներ բացելու, տպարաններ հիմնելու և գրքեր տպագրելու համար: Այսպես, օրինակ խոջա Պետրոսի ծախսով 1699 թվականին Ամստերդամի հայկական տպարանում տպագրվում է իր ժամանակի նշանավոր գիտնական Ղուկաս Վանանդեցու կազմած «Գանձ չափոյ, կշռոյ, թւոյ և գրամից բոլոր աշխարհի, որ է գիտութիւն ամենայն տեսակ կշռոց, չափոց և գրամից, որով բոլոր աշխարհի վաճառականութիւնն վարի» աշխատությունը, որը բացառիկ արժեք է ներկայացնում առևտրի պատմության ուսումնասիրության համար:

Եվ այսպես, 16—17-րդ դարերում հայ առևտրական կապիտալի ներկայացուցիչները, հատկապես նրա Զուղայի հատվածը, ակտիվ մասնակցություն էին ունենում Արևելքի ու Արևմուտքի մի շարք երկրների առևտրին, աչքի

¹ Լեո, Խոջայական կապիտալ, էջ 58:

² Ղ. Ալիշան, Հայ-Վենետ., Վենետիկ, 1896, էջ 370:

³ Բ. Տեր-Հովհանյան, Պատմութիւն Նոր Զուղայու, որ յԱսպահան, հատ. 1, էջ 159, Նոր Զուղա, 1880:

⁴ Նույն տեղում, էջ 139:

⁵ «Ջաքարիա Ագուլեցու օբազրությունը», Երևան, 1938:

քնննող գեր կատարում այդ երկրների տնտեսական (և ոչ միայն տնտեսական) կապերի զարգացման գործում:

Թուրքիայի ու Պարսկաստանի հետ ունեցած հարաբերությունների ժամանակ Ռուսաստանը մոտիկից ծանոթացավ հայ առևտրականների այդօրինակ կարևոր դերի հետ և աշխատեց նրանց օգտագործել իր տնտեսական-քաղաքական նպատակների համար:

Հատկապես թուրքական էքսպանսիայի ու ժեղացման շրջանում, երբ նրանք վտանգի տակ էին դրել ոչ միայն Արևելյան Եվրոպան, Կովկասը, Պարսկաստանը, այլև դաշնակցած Ղրիմի իրենց վասալ խանի հետ, ձգտում էին դրավել Գազանն ու Աստրախանը, Ռուսաստանի համար առաջնահերթ խնդիր էր դառնում հակաթուրքական ուժերին համախմբելը և միացյալ ջանքերով թուրքական ագրեսիայի դեմ պայքարելը: Ռուսաստանի քե տնտեսական, քե քաղաքական շահերը պահանջում էին, որպեսզի նա սերտ կապ ստեղծի թուրքական ագրեսիայի գոհ դարձած կովկասյան ժողովուրդների, այդ թվում և հայերի հետ: Հայերը, ինչպես վրացիներն ու ադրբեջանցիները, թուրքական դժան լծից ազատագրվելու իրենց հույսերը կապելով հակաթուրքական կռիվների, առաջին հերթին Ռուսաստանի շնորհիվ հետ, ամեն կերպ աշխատում էին զորավոր լինել նրան:

16—17-րդ դարերում Թուրքիայի վրայով աշխուժ առևտուր էր կատարվում Արևելքի ու Արևմուտքի միջև: Հայերը, ինչպես տեսանք, ակտիվ մասնակցություն ունեին այդ առևտրին: Թուրքական կառավարությունը մեծ եկամուտներ էր ստանում հայ, հույն, ինչպես և արևմտա-եվրոպական ժառանգականների տրանզիտային առևտրից:

Ռուսաստանը ձգտում էր, որպեսզի Թուրքիայի վրայով Արևելքի ու Արևմուտքի միջև կատարվող առևտրի, հատկապես իր ժամանակի ամենակամտարեր մետաքսի առևտրի ուղղությունը դարձվի դեպի Ռուսաստան, որպեսզի Ռուսաստանը դառնա միջազգային առևտրական կապերի հանգուցակետ: Այդ էր պատճառը, որ ցարական կառավարությունը արտաքին առևտրի բնագավառում կիրառած իր մերկանտիլիստական քաղաքականության պայմաններում իսկ, հովանավորում ու պաշտպանում էր հայ առևտրականներին՝ տալով նրանց ազատ առևտրի իրավունք Ռուսաստանում:

Եթե Անգլիայի և Հոլանդիայի՝ իր ժամանակի միջազգային առևտրի մեջ ամենազորեղ այդ երկրների առջև վտանգավոր էր բանալ Ռուսաստանի դռները, ապա հայ առևտրականների համար այդ ոչ միայն վտանգավոր չէր, այլև օգտակար: Հայ առևտրականները Ռուսաստանի պետական շահերին վտանգ չէին սպառնում, ընդհակառակը, օգնության հույսեր ու ակնկալություններ ունեին նրանից: Այնուհետև արևելյան ապրանքները, գլխավորապես մետաքսը՝ Ռուսաստան և Ռուսաստանի վրայով Արևմտյան Եվրոպա տանելով, նրանք մի կողմից մեծ եկամուտ էին տալիս ռուսական արքունիքին, մյուս կողմից դրանով իսկ օժանդակում էին նրան՝ հակառակորդների դեմ մղվող տնտեսական-քաղաքական պայքարում: Դրանով հանդերձ Ռուսական կառավարությունը լավ էր ըմբռնում հայ առևտրականների այդօրինակ դերը և ելնելով իր տնտեսական ու քաղաքական շահերից, հովանավորում էր նրանց:

Ինչ վերաբերում է հայ առևտրականներին, ապա նրանց համար էլ

նախընտրելի էր ոռոսական շահավետ շուկան և ոռոսական անհամեմատ մոտակ ու ապահով արանգիտը՝ Անգլիա, Հոլանդիա, Շվեդիա գնալու համար, քան Թուրքիայի վրայով, որտեղ, ինչպես էնգելսն է ասում, առևտուր անելու եղանակը քարվան կարելն էր¹։

Նրկու կողմերի շահերի այսօրինակ ընդհանրության պայմաններում ընթացան հայ-ոռոսական հարաբերությունները 17-րդ դարում՝ թևակոխելով զարգացման մի նոր, ավելի բարձր էտապ։

17-րդ դարի 20-ական թվականներից հայ առևտրականներն սկսում են սխտեմատիկաբար այցելել Ռուսաստան և առևտուր անել Աստրախանում, Մոսկվայում ու այլ քաղաքներում։ Մոսկվայի Հին ակտերի պետական կենտրոնական արխիվի (ЦГАДА) հայկական ֆոնդի փաստաթղթերից սյարգվում է, որ 1626 թվականին Վզըլրաշի երկրից առաջին անգամ Մոսկվա են եկել չորս հայ և երկու ադրբեջանցի առևտրականներ, իրենց հետ բերելով ավելի քան 3900 ու ապրանք², 1632 թվականին Թուրքիայից փախչում և Ղրիմի վրայով Ռուսաստան է գալիս Սարգիս Ավանեսովը՝ ռուսալով այստեղ գտնել կյանքի ապահով պայմաններ։ 1640-ական թվականներին Մոսկվայի հետ առևտուր էին անում նաև Աստրախանի բնակիչ Խավաթալյանը և ուրիշները։

1659 թ. օգոստոսին Աստրախան, իսկ 1660 թ. մարտին Մոսկվա է գալիս ջուղախեցի հայտնի հայ վաճառական խոջա Սահրապ Շահրիմանյանի որդի խոջա Ջաֆարը՝ իր 9 ընկերների հետ։ Ջաֆար Սահրապյանը, Ալեքսեյ Միխայլովիչին և նրա ընտանիքի անդամների համար բերում է մի շարք թանկարժեք նվերներ, այդ թվում կենարդո դա Վինչիի հոչակավոր ճեղքափոր ընթրիքը՝ կոմպոզիցիայի պատճենը, հանված պղնձե թրթռի վրա և նշանավոր ադամանդյա զահը, որի վրա կար 28 ֆունտ ոսկի, 8 ֆունտ արծաթ, 897 ալմաստ, 1298 հակինթ, 18030 փիրուզա։ Այդ բազկաթոռը, որն այժմ էլ պահպանվում է Կրեմլի թանգարանում (Ջինապալատում), իր ժամանակին գնահատվել է 22,589 ու 60 կ. 1660 թ. մարտի 28-ին՝ Դեսպանական պրիկազում դահի մասին տված իր տեղեկանքի մեջ Ջ. Սահրապյանը գրում է. «Իմ խէր սիրեց մեծ թափափորին թախտն թամամեց, ինձ արետ՝ թէ տար թափափորին փեշքաշ արա. մեք էլ, մեր խէր էլ ետուր գնին խարար չենք, ումբն մեծ թափափորին»³։

Դեսպանական պրիկազի ընդունելությունից հետո, 1660 թ. ապրիլի 12-ին խոջա Ջաֆարը իր տարած նվերներով⁴ ներկայանում է պալատ՝ Ալեքսեյ Միխայլովիչին։ Նա հետաքրքրվում է գահը պատրաստող վարպետներով, գահի վրա եղած թանկագին քարերով և մի շարք այլ հարցերով։ Ալեքսեյ Միխայլովիչը առանձնապես հետաքրքրվում է կենարդո դա Վինչիի ճեղքափոր ընթրիքը նկարի պատճենի հեղինակով և հանձնա-

¹ См. К. Маркс и Ф. Энгельс, Сочинения, т. IX, стр. 392.

² ЦГАДА (Центральный государственный архив древних актов), фонд Сношения России с Арменией, 1626, д. 6/№, л. 1—3.

³ ЦГАДА, ф. Сношения России с Арменией, 1669, д. 6/№, л. 35.

⁴ Ջաֆար Սահրապյանը, ինչպես ցույց է տվել Վ. Ոսկանյանը, նվերի անվան տակ փաստորեն վաճառել է իր տարած գահը և մյուս ապրանքները։ Տես Դիտ. ակադ. Տեղեկագրի 1947 թ. № 6-ում տպագրված նրա «Ново-торговый устав и договор с армянской торговой компанией в 1667 г.» հոդվածը։

բարում է նրան ուղարկել Մոսկիւի 1666 թվականին Ջուղայի Հայ առևտրական ընկերության ներկայացուցիչ Ստեփան Ռամագամսկու հետ Ալեքսեյ Միխայլովիչին ուղարկած նամակում խոջա Ջափարը գրում է, որ Ճորճրգաւոր ընթրիքը նկարի հեղինակ Շապիլ ուստա Ռուդգանին, որի հունարն ամենու վերայ առաւել էր, աղարկեցինք քրիստոսաշէն Մօսկովս գոն մեծ թագաւորին դուլուղն տեղն կատարեն¹։ Մի այլ նամակում այդ մասին խոջա Ջափարը գրում է. «Էստի յառաջ քամինէդ՝ մին պղնձէ թանուքի վերայ տաք հինգ շարաթ օրէն մաճլիս քաշած մեծ թագաւորին պուխ անք տրւել։ շաւաղաթ էր լէլ, ծառայէդ նորայ շինողն ուզեցել ին էն քարխանումն որ շինվել էր, մին ուստայ կէր, որ նորա բանն հունարն ամենու վերայ առաւել էր. անունն Թանրիվերան, որ է քրիստոնէի բառ Ռուդգան²։

1666 թվականին 40 առևտրականների ու արհեստավորների հետ Նոր-Ջուղայից Մոսկիւ է գալիս հիշյալ հայ նկարիչ Բոգդան Սալթանովը, որը աշխատանքի է ընդունվում Ջինապոլատում և տարիների ընթացքում Մոսկիւայի կուլտուրական միջավայրում բարձր կատարելության հասցնելով իր արվեստը, գտնում է ուսական նկարչության ամենախոշոր գեմքերից մեկը, ստեղծում իր շկոյան, ունենում իր հետևորդները։ Խոջա Ջափարի նամակը մեզ համար պարզում է ոչ միայն այն հետաքրքրական փաստը, որ 17-րդ դարի 50-ական թվականներին կատարված Ճորճրգաւոր ընթրիքը նկարի պատճենի հեղինակը հայ նկարիչ Բոգդան Սալթանովն է, այլև ապագանգաւոր նկարչի ստեղծագործական կյանքի մի կարևոր էջը։ Այդ փաստն ինքնին արդեն ցույց է տալիս, որ մինչև Մոսկիւ գալը Բոգդան Սալթանովը ճանաչված արվեստագետ է եղել։

1660 թ. մարտի վերջերից մինչև օգոստոսի 20-ը խոջա Ջափարը իր ընկերների հետ մնում է Մոսկիւայում, կարգավորում է ուսական արքունիքի և Սպահանի հայ առևտրական ընկերության հետագա փոխհարաբերությունների հարցը, գնումներ կատարում (գլխավորապես թանկարժեք մուշտակներ) և ցարի մի շարք հանձնարարություններով վերադառնում է Սպահան։

Ջափար Սահրաբյանի այցելությունը Մոսկիւ և նրա վարած բանակցությունները ուսական արքունիքի հետ, կարևոր նշանակություն ունեցան հայ-ոսկական հարաբերությունների հետագա զարգացման համար։ Ինչպես տեսանք, Սահրաբյանից առաջ 17-րդ դարի 20-ական թվականներից սկսած առանձին հայ վաճառականներ կապեր էին հաստատել Մոսկիւայի հետ, 1656 թվականին Մոսկիւայում եղել էր և Սահրաբյանի գործակատար Ստեփան Ռամագամսկին, բայց դրանցից և ոչ մեկը այնպիսի նշանակություն չունեցան, ինչպես Սահրաբյանի ուղևորությունը։ Ջափար Սահրաբյանը պարսկական արքունիքին մոտ կանգնած, Սպահանի հայկական շրջաններում մեծ ազդեցություն ունեցող, հայ առևտրական ընկերության աչքի ընկնող ղեկավարներից էր։ Նրա բերած խոշոր նվերները, ուսական արքունիքի հետ նրա վարած բանակցությունները և ստանձնած

¹ ЦГАДА, ф. Сношения России с Арменией, 1666, д. № 1, л. 92.

² Նույն տեղում, էջ 97—98։

պարտավորությունները պարզ ցույց են տալիս, որ նա առանձին, մասնավոր անձ չէր, այլ հարուստ, առևտրական լայն հնարավորություններ ունեցող կազմակերպության ներկայացուցիչ։ Այդ բանակցությունները միաժամանակ ցույց են տալիս, որ հայ առևտրական բուրժուազիան շրջագարձ էր կատարում գեպի Ռուսաստանը։ Ռուսական արքունիքի հետ Ջաքար Սահրադյանի միջոցով հաստատած Հայ առևտրական բնկերության կապերը հող պատրաստեցին 1667 թվականի հայ-ռուսական հայտնի առևտրական պայմանագրի համար։

17-րդ դարի 60-ական թվականները շրջագարձի կետ հանգիստացան հայ-ռուսական հարաբերությունների պատմության մեջ։

Մոսկովյան պետությունը ամրապնդելով իր տնտեսական և քաղաքական դիրքերը, ձգտում էր ապահովել իր արևմտյան սահմանները Լեհաստանի ու Շվեդիայի հարձակումներից, դուրս գալ Բալթիկ ծով և հարավային սահմանները՝ Թուրքիայի ու նրա վասալ Լրիմի խանի հարձակումներից, դուրս գալ Սև ծով։ Հատկապես թուրքական էքսպանսիայի դեմ միացյալ ուժերով պայքարելու համար Ալեքսեյ Միխայլովիչը 1667 թվականին գեսպանություն ուղարկեց Անդլիա, Ֆրանսիա և Բոսանիա, գլխավորապես բանակցություններ վարվեցին Վիեննայում, Վենետիկում Հոոմի պապի հետ, սակայն, Ռուսաստանի ջանքերը ապարդյուն անցան և հակաթուրքական եվրոպական կոալիցիան չստեղծվեց։

Իսկ եթե եվրոպական պետությունների հակաթուրքական կոալիցիան չկազմակերպվեց արևմտա-եվրոպական մի քանի պետությունների, գլխավորապես Անգլիայի, գեպի Ռուսաստան ունեցած անբարյացակամ վերաբերմունքի հետևանքով, ապա այդ նույն շրջանում Ռուսաստանին հաջողվեց տնտեսական և քաղաքական սերտ հարաբերություններ հաստատել Թուրքիայի հակառակորդ Պարսկաստանի հետ։ Պարսկաստանի հետ հարաբերությունների կարգավորումը մեծապես նպաստեց ոչ միայն ռուս-պարսկական, այլև ռուս-հայկական կապերի ամրապնդմանը։ Ռուսաստանի և Պարսկաստանի համար ստեղծված ներքին և միջազգային կապերի նման կոնկրետ իրադրության պայմաններում էր, որ ծագեց ու հասունացավ հայ-ռուսական առևտրական պայմանագիր կնքելու գաղափարը, որն իրագործվեց 1667 թվականին։

Երականության մեջ այն կարծիքն է հայտնվել, թե տակավին 1619 թվականին Մոսկովյան պետության և հայերի միջև կնքվել է առևտրական հատուկ պայմանագիր¹։

Ռուսական և հայկական ազդյուններում, Մոսկովայի Հին ակտերի պետական կենտրոնական արխիվում, մեր ուսումնասիրությունների ժամանակ մենք չենք հանգիստի նման պայմանագրի։ Եթե իրոք 1619 թվականին Մոսկովյան պետությունը հայերի հետ առևտրական պայմանագիր կնքած լիներ, ապա դա չէր կարող որևէ հետք չթողնել։ Համենայն դեպս, 1619 թվականին հայ-ռուսական առևտրական պայմանագիր կնքելու փաստը

¹ 86» Известия Российской Академии истории материальной культуры, т. IV, стр. 79, 1925, Л. М. Меликсет-Бек, Древняя Русь и Армения, отдельный оттиск из первого тома «Сборник трудов» Ин-та языка Акад. наук Арм. ССР, 1946, стр. 113.

առաջիմ չի հաստատվում, ուստի հայ-ոսմանական առևտրական առաջին պայմանագիրը պետք է համարել 1667 թ. մայիսի 31-ի պայմանագիրը:

Այժմ տեսնենք, թե ինչ պայմանագիր էր այդ, երբ և ինչու կնքվեց, և ինչ նշանակություն ունեցավ:

Ջաքար Սահրադյանի և մյուս հայ վաճառականների Մոսկվայից փախապառված հետո, 1660—1666 թվականը Պարսկաստանից ոչ մի հայ առևտրական չգնաց Մոսկվա: Այդ տարիների վերաբերյալ Մոսկվայի արխիվում էլ փաստաթղթեր չկան: Խոջա Ջաքարի և Հայ առևտրական ընկերության մյուս անդամների համար այդ տարիները, ըստ երևույթին, փոխադարձ համաձայնություն մշակելու և իրենց առևտրական գործերը վերադասավորելու, ոսմանական արքունիքի հանձնարարությունները կատարելու, Ռուսաստանի հետ առևտուր անելու և պայմանագիր կնքելու հարցերը շահի հետ համաձայնեցնելու տարիներ են եղել:

1666 թ. փետրվարին Մոսկվա են գալիս Սպահանի Հայ առևտրական ընկերության ներկայացուցիչներ Ստեփան Ռամադամսկին և Գրիգոր Լուսիկովը¹ և Ջովակինը նրանց համարում է հայ առևտրական ընկերության հիմնադիրներ²: Դա, իհարկե, ճիշտ չէ: Ինչպես ցույց են տալիս դոկումենտները, նրանք ընկերության ներկայացուցիչներ էին: Սա. Ռամադամսկին Ջաքար Սահրադյանի գործակալն էր, նրա բարեկամը, աշխարհ տեսած մի վաճառական, որը նախքան այդ էլ եղել էր Ռուսաստանում, ինչպես և Հնդկաստանում, Թուրքիայում ու մի շարք այլ երկրներում: Ընկերության և, մասնավորապես, Խոջա Ջաքարի կողմից լիազորված գլխավոր ներկայացուցիչը Ստեփան Ռամադամսկին էր և պատահական չէ, որ բոլոր դոկումենտներում նրա անունը բերվում է առաջին տեղում: Ինչ վերաբերում է ընկերության մյուս ներկայացուցիչ Գրիգոր Լուսիկովին, ապա, ինչպես կտեսնենք, նա ևս Հայ առևտրական ընկերության աչքի ընկնող գործիչներից էր և միաժամանակ պարսկական շահի գեսպանը:

Մոսկվա գալով 1666—1667 թթ. Ստ. Ռամադամսկին և Գ. Լուսիկովը Հայ առևտրական ընկերության անունից բանակցություններ են վարում Ալեքսեյ Միխայլովիչի հետ՝ Ռուսաստանում և Ռուսաստանի վրայով արևմտա-ևլրոպական երկրների հետ առևտուր անելու մասին:

Իրենց մի գիմումի մեջ նրանք գրում են. «Մեծ թագավոր, մենք օտարերկրացիներս, Ղըզլրաշի երկրից եկել ենք Մոսկվա, մեր Հայկական ընկերության կողմից խնդրելու, որպեսզի թույլատրեք մետաքս և այլ ապրանքներ բերել Ռուսիա վաճառելու, ինչպես և Մեծ Նովոգորոդի, Արխանգելսկի ու Սմոլենսկի վրայով արտասահման տանելու»³:

Հայկական ընկերության ներկայացուցիչների բանակցությունները Մոսկվայում հաջողությամբ ավարտվելին: 1667 թ. մայիսի 31-ին կնքվեց հայ-ոսմանական առևտրական հատուկ պայմանագիր, որը կազմել էր իր ժամանակի աչքի ընկնող պրոգրեսիվ գործիչ Ա. Լ. Օրդին-Նաշչոկինը: Մոսկվայի ԱՂԱԴԱ-ում պահվող այդ պայմանագրի բնագրի տակ հայերեն ստորագրել են Ստ. Ռամադամսկին—Տիուլիայ չալայրիթնիս և Ստեփանոս ջուղայեցի Լոամայդանէնց Մուշեղի որդի ձեռ գրի, ինձ զարուլ այժ և Գր.

¹ «Исторические записки», 1940 г. № 8, стр. 158.

² АГАДА, ф. Сношения России с Арменией, 1666, д. № 1, л. 13.

Հուսիկովը—«Քուլիայ չալայրիթնիս ես Գրիգորըս ջողայեցի Հուսիկէնց Մարութէ որդի ձեռ գրի, ինձ դարուլ ալ»:

1667 թ. պայմանագրի համաձայն հայ առևտրականներն իրավունք էին ստանում մետաքս, ուղտի բուրդ, ներկեր և արևելյան այլ ապրանքներ բերել Ռուսաստան, ազատ առևտուր անել Աստրախանում, Մոսկվայում, Սմոլենսկում, Նովոռոդում, Արխանգելսկում և Ռուսաստանի այլ վայրերում: Նրանց իրավունք էր տրվում նաև Ռուսաստանի վրայով իրենց ապրանքները տանել Արևմտյան Եվրոպա, Ռուսաստանի վրայով վերագառնալու պայմանով:

Մետաքսի առևտուրը Ռուսաստանում կենտրոնացնելու նպատակով ցարական կառավարութլյունը պայմանագրով պարտավորեցնում էր հայ առևտրականներին պարսկական մետաքսը բացառապես Ռուսաստան բերել: Այնուհետև պայմանագրում սահմանվում են առևտրի պայմանները, Ռուսաստան ներմուծվող և արտահանվող տարբեր ապրանքների մաքսի չափերը, ռուսական տրանզիտից օգտվելու կարգը: Ուշագրավ է, որ պայմանագրում ցայտուն կերպով արտահայտված է ցարական կառավարութլյան մերկանտիլիստական քաղաքականութլյունը: Պայմանագրի վերջում ցանկութլուն է հայտնվում, որ Ռուսաստանի և Պարսկաստանի միջև գրացիական հարաբերութլյունները և առևտրական կապերը դարեւ շարունակվեն ու տարեց տարի ամրապնդվեն:

1667 թ. մայիսի 31-ի պայմանագրով Հայ առևտրական ընկերութլյան գործակալ է նշանակվում Մոսկվայի վաղեմի բնակիչ անգլիացի առևտրական Թովմաս Էրեյնը, որը և գրավոր երգում է տալիս՝ առանց խորամանկութլան ու խարդախութլյան կատարել իր պարտականութլյունները:

Պայմանագրի կնքելուց հետո Ռամագամսկին և Հուսիկովը իրենց ընկերների հետ, պայմանագրի համաձայն, մեծ առևտուր են անում Մոսկվայում և վերագառնում Պարսկաստան: Սպահանի հայ առևտրական ընկերութլյունը և շահ Սուլեյմանը գոհունակութլյամբ են ընդունում Ռամագամսկու և Հուսիկովի կնքած պայմանագիրը: Սուլեյման շահը, որ անձամբ մեծ օգուտ էր ստանում հայ առևտրականներից, Ալեքսեյ Միխայլովիչին ուղարկած հատուկ հրովարտակով հայտնութլուն էր տալիս Հայ առևտրական ընկերութլյան հետ կնքած պայմանագրին և խոստանում էր իր ներթին ամեն ջանք գործ գնել բարեկամական և առևտրական կապերը Ռուսաստանի հետ ամրապնդելու համար:

1667 թ. պայմանագիրը նշանակալից երևույթ էր հայ-ռուսական հարաբերութլյունների պատմութլյան մեջ: Եւ մեզ հասած առաջին հայ-ռուսական պայմանագիրն է, որը պետական օրենքի ուժ է ունեցել, մտել է ռուսական օրենքների ժողովածուի մեջ և փաստորեն գործադրվել մինչև 18-րդ դարի սկզբները: Այդ պայմանագիրը ինչպես հայերի, այնպես էլ Ռուսաստանի համար ոչ միայն տնտեսական, այլև քաղաքական նշանակութլուն ունեցող կարևոր փաստաթուղթ է:

Ցարական կառավարութլյունը իր հովանավորութլյան տակ վերցնելով հայ առևտրականներին, ձգտում էր՝

ա) հայ առևտրականների միջոցով իր ձեռքը վերցնելով մետաքսի մեղանորհը, դեպի Ռուսաստան դարձնել մետաքսի և, ընդհանրապես, արևելյան ապրանքների առևտրի ընթացքը և գրանով իսկ հարվածել ինչպես

Թուրքիային, այնպես էլ Թուրքիայի վրայով Արևելքի հետ առևտուր անող արևմտա-եվրոպական մրցակից պետություններին:

բ) Տնտեսական և քաղաքական սերտ կապեր հաստատել Պարսկաստանի և Գովկասի հետ՝ հայրենի առևտրին զարկ տալու, իր դիրքերն այդ երկրներում ամրապնդելու և նրանց հետ միասին թուրքական աղբյուրի գեմ պայքարելու համար:

1667 թ. պայմանագիրը Արևելքի առևտրի ակտիվ ու գործունյա տարրի՝ հայ առևտրական բուրժուազիայի մոտ շրջադարձ ստեղծեց գեպի Ռուսաստանը: Հանձին Ռուսաստանի, հայ առևտրական կապիտալը ձեռք բերեց մի նոր լայն ու շահավետ շուկա, տրանզիտային առևտրի ավելի կարճ ու ապահով ուղի և, վերջապես, թուրքական հարստահարիչների գեմ կանգնած հզոր բարեկամ: Այդպիսով, հայ առևտրական կապիտալը ոչ միայն նոր ու ավելի հաստատուն ուղու վրա գրեց իր գործունեությունը, այլև որոշ չափով ապահովեց իրեն Արևելքի երկրներում հետզհետե ուժեղացող արևմտա-եվրոպական առևտրի մրցությունից:

Այեքսեյ Միխայլովիչի և Օրգին-Նաշչոկինի հեռատես քաղաքականությունը արդյունք հանգիստացող 1667 թվականի Առևտրական նոր կանոնադրությունը և 1667 թվականի Հայկական կոմպանիայի հետ կնքած պայմանագիրը մեծապես ամրապնդեցին Ռուսաստանի, ինչպես և հայ առևտրականների դիրքերը միջազգային առևտրի մեջ:

1667 թ. մայիսի 31-ի պայմանագիրը հաստատուն հիմքերի ու լայն ուղիների վրա դրեց հայ-ռուսական տնտեսական կապերը և ամուր հող պատրաստեց նրանց քաղաքական կապերի համար:

1667 թ. պայմանագրով որոշված էին հայ-ռուսական առևտրին վերաբերող բոլոր հիմնական հարցերը, երկու կողմերի համար էլ մշակվել էին ձեռնտու պայմաններ: Հայկական կոմպանիայի ներկայացուցիչները Պարսկաստան վերադառնալուց հետո անմիջապես ձեռնամուխ եղան պայմանագրով ստանձնած իրենց պարտավորությունների կատարմանը: Սակայն, վերահաս գեպքերը՝ Շահ Աբրահ 2-րդի մահը 1667 թվականին, Պարսկաստանի մի շարք վայրերում առևտրականների համար ստեղծված անապահով պայմանները, 1668—1671 թթ. Ստեփան Ռազինի ապստամբությունը հետևանքով Վոլգա-Կասպից ծով առևտրական ճանապարհի փակվելը և Աստրախանի հայ առևտրականներին կողոպտելու գեպքերը, ընկերությունը ներսում ծագած տարաձայնությունները, միաժամանակ ընդհատեցին նրանց Ռուսաստան գալը: Այդ հանգամանքը որոշ գծգոհություն առաջ բերեց ցարական արքունիքում, որը կապված էր նաև ռուս փաճառականների (գոստի) 1667 թվականի պայմանագրի հանգեպ ունեցած գրգռողության հետ¹, եվ երբ 1672 թ. ղեկավարներին Գր. Լուսիկովը կրկին Մոսկվա եկավ, Օրգին-Նաշչոկինին փոխարինած Դեսպանական պրիկազի պետ օկոլնիչի Ա. Ս. Մատվեևը նրա հետ ունեցած առաջին իսկ հանդիպման ժամանակ տրտահայտեց այդ գծգոհությունը: Մատվեևը Լուսիկովին մեղադրում է, որ նա չկատարեց 1667 թ. պայմանագիրը, մետաքս չբերեց

¹ С. Соловьев, т. XII, стр. 272—276, А. Семенов, Изучение исторических сведений о Российской внешней торговле и промышленности, ч. I, стр. 23—29 СПБ, 1859.

Ռուսաստան, որի հետևանքով գանձարանը մեծ ֆնտսներ կրեց: Ապա նա հայտնում է, որ այսուհետև եթե Ռուսաստանը արևմտյան պետությունների հետ վեճեր ունենա, նրանց չի թույլատրվի Աստրախան և այլ քաղաքներ գնալ¹:

Հուսիսովի բանակցություններն այս անգամ ևս հաջողություն չունեցան, չնայած ուսս վաճառականների բողոքների հետևանքով ստեղծված աննպաստ պայմաններին: 1673 թ. փետրվարի 7-ին կնքվեց մի նոր պայմանագիր, որը հիմնականում հաստատում էր 1667 թ. Վեռաքսի պայմանագիրը, որոշ չափով սահմանափակելով հայ առևտրականների իրավունքները, ընդառաջելով ուսս առևտրականների պահանջներին:

Ընչպես 1667 թվականի, այնպես էլ այս պայմանագրով, ցարական կառավարությունը կրկին պարտավորեցնում էր հայ առևտրականներին ամբողջ մետաքսը բերել Ռուսաստան և առևտուր չանել Թուրքիայի վրայով: Բ. Գեալ, կառավարության գլխավոր պատճառներից մեկն էլ հենց այն էր, որ հայերը հնարավորություն չունենալով Ռուսաստան գալու, շարունակում էին իրենց հնօրյա առևտուրը Թուրքիայի վրայով: 1673 թվականի պայմանագիրը կրկին անգամ պարտավորեցնում էր Հայ առևտրական ընկերության անդամներին և մյուս պարսկահայատակներին՝ «Թուրքիայի վրայով և ոչ էլ այլ ճանապարհներով, մետաքս և այլ ապրանքներ չտանել գերմանական երկրներ (Արևմտյան Եվրոպա—Վ. Պ.), եթե օտարերկրացիներ գան Պարսկաստան մետաքս գնելու, հայերը նրանց ևս չսլետք է վաճառեն. ամբողջ մետաքսը պետք է բերվի Ռուսաստան»²:

Հուսիսովի բանակցությունները ուսսական արքունիքի հետ սուս անգամ արդեն միայն առևտրական բնույթ չէին կրում: Նա Մոսկվա էր եկել ոչ միայն որպես Հայկական առևտրական ընկերության ներկայացուցիչ, այլև որպես պարսկական շահի գեսպան և կարողանում է վարպետորեն գուգակցել առևտրական, գլխավորապես քաղաքական գործերը:

1673 թ. փետրվարի 7-ի պայմանագրով հարթվեցին բոլոր տարածայնությունները ցարական կառավարության և Հայ առևտրական ընկերության միջև, որից հետո վերսկսվեցին հայերի սխտեմատիկ այցելությունները Ռուսաստան:

Ճակավին 1673 թ. հունվարին, երբ գեղ Հուսիսովի հետ շարունակվում էին բանակցությունները, ճանապարհին մեծ գլխավորություններ հաղթահարելով, Մոսկվա հասավ Հայկական ընկերության ներկայացուցիչ Ստեփան Ռամադամսկին, իր հետ բերելով Ալեքսեյ Միխայլովիչի և նրա բնտանիքի անդամների համար ավելի քան 9000 ուսսիս հաղվագյուտ թանկարժեք ապրանքներ ու զարդեր: Ռամադամսկու գալը, ինչ խոսք, իր ազդեցությունն ունեցավ բանակցությունների ընթացքի վրա:

1674 թվականի հունվարի 31-ին, Գ. Հուսիսովի հանձնարարական նամակով, Մոսկվա է գալիս հայ առևտրական Յաղուր Գրիգորեր: Նա իր հետ բերում է 50 փութ 28 ֆունտ մետաքս, որը վաճառում է գանձարանին՝ 1673 թվականի պայմանագրով սահմանված գներով: 1675 թ. փետրվարին Մոսկվա են գալիս մի խումբ հայ առևտրականներ (Յաղուր Պողոսով, Յա-

¹ С. Соловьев, т. XII, стр. 273.

² ИГАДА, Ф. Сношения России с Арменией, 1673, д. № 3, л. 14.

կով Ավետիկով, Դավիթ Բարուև և ուրիշներ) իրենց հետ բերելով 1341 ժուլթ մետաքս և մեծ քանակությամբ տարբեր տեսակի արևելյան ապրանքներ: Հայ առևտրականների այս խմբի հետ էին նաև Շամախու գեւաղանը և Պարսկաստանի լեհական գեւաղան Բոգդան Դուրդիան, որոնց պատկանում էր բերված մետաքսի մի զգալի մասը: Միայն բերված մետաքսը ժամանակի գներով (լավ տեսակը փուլթը 35 ուլրի, հասարակ տեսակը՝ 30 ուլրի) կազմում էր 41230 ուլրի:

1675 թվականից սկսած հայերի կապերը Ռուսաստանի հռչակավոր մայրաքաղաք, քաղաքական, կուլտուրական, առևտրական ամենախոշոր կենտրոն Մոսկվայի հետ ավելի ու ավելի աշխուժանում են: Աստրախանից բացի, որը հայկական առևտրի խոշոր կենտրոն էր, հայերն սկսում են իրենց առևտուրը կենտրոնացնել Մոսկվայում: Այստեղ ևս նրանք մշտական իջևաններ են հիմնում, խանութներ բացում և անխափան առևտուր անում: Մոսկվայում մինչ այդ գոյություն ունեցող հայ գաղութը հետզհետե քնդարձակվում է:

1675 թվականին հայ առևտրական Սարազ (ուրիշ գովումենտներում Սարան) Հազրեին, Գրիգոր Իվանովին և նրանց 34 ընկերներին, որոնք մետաքս էին բերել Մոսկվա վաճառելու, Ալեքսեյ Միխայլովիչի կարգադրությամբ իջևան է տրվում Նիժնի Սադովնիկում: Նույն տարում իջևան և խանութներ են տրամադրվում Ջաքար Յակովլևին ու իր ութ ընկերներին և մի շարք այլ հայ առևտրականներին:

Օանոթանալով հայերի և ուսնների միջև կատարվող աշխուժ առևտրի հետ, 1676 թ. հոլանդական գեւաղան Կոնգրատիյ Փան Կլենկը, ելնելով Հոլանդիայի առևտրի զարգացման շահերից, գիմում է Դեսպանական պրիկազին, որպեսզի հայերին թույլ տրվի Արխանգելսկում առևտուր անել օտարերկրացիների հետ և մետաքս ու այլ ապրանքներ տանել Արևմուտք վաճառելու: Հոլանդական գեւաղանի գիմումի կապակցությամբ Առվեստնի պալատ են հրավիրվում բոլոր նշանավոր վաճառականները, նրանց կարծիքն իմանալու համար: Եվ չնայած նրան, որ ինչպես առաջ, այժմ էլ վաճառականները բացասական կարծիք են հայտնում օտարերկրացիներին ազատ առևտրի իրավունք տալու վերաբերյալ, այնուամենայնիվ դա չի խանգարում, որպեսզի ցարական կառավարությունը այս անգամ էլ բացառություն անի հայ առևտրականներին: Կառավարության այդօրինակ հովանավորող քաղաքականություններից խրախուսված, 1676 թվականից հայ առևտրականները սկսեցին գնալ Արխանգելսկ և այնուհետև, Արխանգելսկի վրայով, Հոլանդիա ու այլ երկրներ:

1676 թ. մարտին Յաղուբ Պոդոսովը մի խումբ հայ առևտրականների հետ գիմում է Ֆեոգոր Ալեքսեևիչին և խնդրում թույլ տալ իրենց առևտուր անելու Մոսկվայում, Արխանգելսկում և Արխանգելսկի վրայով արտասահմանի հետ: Յաղուբ Պոդոսովը և իր ընկերները մինչև Արխանգելսկ գնալը առևտուր էին անում Աստրախանում և Մոսկվայում:

1676 թվականին այս ընկերությունը գնում են Արխանգելսկ, այստեղի տոնավաճառանոցում գնում արտասահմանյան ապրանքներ (մահուդ, ասեղներ, պղնձե ժամացույցներ, կողպեքներ և այլն), իրենց երկու ընկերների հետ ուղարկում Մոսկվա, իսկ իրենք անցնում Հոլանդիա: Ըստ երևույթին, դա հայերի առաջին այցն էր Արխանգելսկ և առա-

ջին ուղևորությունը արտասահման՝ Արխանգելսկի վրայով։ Համենայն դեպս մեր ձեռքի տակ եղած գոկումենտները առայժմս այդ են ցույց տալիս։

1676 թվականին Արխանգելսկ գնալու համար Դեսպանական պրիկազին գլխում են նաև Յաղուր Գրիգորենը, Իվան Մակարովը, Ջաքար Կիրյակովը, Հայրապետ Մատվեևը, Սերգեյ Նազարովը, Յակով Ավետիքովը և մի շարք ուրիշ հայ առևտրականներ։ 1679 թվականին Արխանգելսկ են գնում Հայրապետ Մատվեևը և Բոգդան Մակարովը իրենց հետ տանելով 215 փութ 20,5 ֆունտ մետաքս։ 1681 թվականին Յաղուր Գրիգորենը Արխանգելսկ է տանում 157 փութ մետաքս։ 1682—1685 թթ. Արխանգելսկ և այնտեղից արտասահման գնալու իրավունք է տրվում նաև Դավիթ Բաղրամովին, Մատվեյ Գրիգորենին, Իվան Իվանովին, Գրիգոր Իսաողովին, Իլյա Եվգակովին, Իվան Նազարովին և ուրիշներին։ 1684 թվականին Հոլանդիայից Արխանգելսկի և Մոսկվայի վրայով Պարսկաստան է վերադառնում Յաղուր Երիգորենը, իր հետ բերելով մեծ քանակությամբ եվրոպական և ռուսական (Մոսկվայում գնած) ապրանքներ։ Մոսկվայի մաքսատանը նրա բերած ապրանքների քաշը հաշվում են 250 փութ, արժեքը 7149 ռ. և գանձում են մոտ 500 ռուբլի մաքս։

Բերված փաստերը ցույց են տալիս, որ 1670—1680-ական թվականներին հայերը աշխուժ առևտուր էին անում ոչ միայն Ասորախանում ու Մոսկվայում, այլև Արխանգելսկում։ Եվ պատահական չէ, որ Ասորախան—Վոլգա—Մոսկվա—Ներեխա—Արխանգելսկ առևտրական բանուկ ճանապարհը միաժամանակ կոչվում էր «Հայկական առևտրական ճանապարհ» և կամ ռուսական առաջնորդների մեջ մտնում՝

„Не бойся на армянской дороге воров,
Бойся в Нерехте каменных домов“.

17-րդ դարի 80-ական թվականների կեսերից հայ առևտրականներին թույլատրվում է Արևմտյան Եվրոպայի հետ առևտուր անել նաև Նովգորոդի վրայով։ Առևտրական այս ուղին ավելի կարճ ու շատ ավելի հարմար էր և շուտով հայ առևտրականները Արխանգելսկի փոխարեն սկսեցին Նովգորոդի վրայով գնալ Շվեդիա, Լեհաստան, Դերմանիա, Ֆրանսիա, Հոլանդիա, Դանիա, Անգլիա, Իտալիա և այլ երկրներ։ 1680—1690-ական թվականներին Ասորախան-Մոսկվա-Նովգորոդ ուղին դարձավ հայ առևտրականների ամենաբանուկ ճանապարհը Արևմտյան Եվրոպայի հետ կապվելու համար։ Այլևս քիչ էր պատահում, որ նրանք գնային Արխանգելսկ։ Թուրքիայի վրայով նույնպես ջուղայեցի հայ վաճառականներից քչերն էին գնում Եվրոպա։

Հայերի առևտուրը Արևմտյան Եվրոպայի հետ Նովգորոդի վրայով ավելի լայն չափեր ընդունեց, քան Արխանգելսկի վրայով մինչև այդ նրանց կատարած առևտուրը։ 1686 թ. Նոյեմբերին հայտնի հայ վաճառականներ Սաֆար Վասիլեր և Անուշ Վարդանովը առաջին անգամ Նովգորոդի վրայով սկսեցին առևտուր անել Արևմտյան Եվրոպայի հետ, իրենց հետ տանելով մետաքս և արևելյան այլ ապրանքներ։

1680—1690-ական թվականներին հարյուրավոր հայ առևտրականներ մեծ ու փոքր խմբերով Նովգորոդի վրայով սխառեմատիկաբար առևտուր

էին անում Արեւմտյան Եվրոպայի մի շարք երկրների հետ: 1696 թ. փետրվար ամսին մի քանի տասնյակ հայ առևտրականներ գիմում են ցարական կառավարությունը՝ Նովոռոդի վրայով Շվեդիա գնալու համար: Երանք իրենց հետ տանում են ավելի քան 1794 փութ մետաքս, այդ թվում Գրիգոր Դավիդովը և ընկերները՝ 492 փ. 14707 ո. արժողությամբ և վճարում են 737 ո. մաքս (բերում ենք կլոր թվերով), Նիկոլայ Տարասևիչը իր եղբայր Միրզաբեկի հետ 358 փ. 10 ֆ. 8384 ո. արժողությամբ և վճարում են 419 ո. մաքս, Պավել Ստեփանովը և ընկ. 254 փ. 24 ֆ. 6830 ո. արժողությամբ և վճարում են 891 ո. մաքս և ճանապարհածախս, Սինան Իվանովը իր որդի Խաչիկի հետ 228 փ. 30 ֆ. 4543 ո. արժողությամբ և վճարում են 583 ո. մաքս և ճանապարհածախս, Օարա Սահակովը 100 փ. 3000 ո. արժողությամբ և վճարում է 381 ո. մաքս և ճանապարհածախս, Խաչիկ Միխայլովը 95 փ. 4 ֆ. 2590 ո. արժողությամբ և վճարում է 336 ո. մաքս ու ճանապարհածախս¹:

1697 թ. հունվարին արտասահմանից Նովոռոդի վրայով Մոսկվա են գալիս մի խումբ հայ առևտրականներ, Պարսկաստան վերադառնալու համար: Մոսկվայի մաքսատան տվյալներից երևում է, որ նրանցից Իվան Իվանովը իր հետ բերել էր 5584 արշին հոլանդական մահուդ, որից 1493 արշին լավ տեսակի (БОЛЬШОИ РУКИ) և 4091 արշին հասարակ տեսակի (МЕНЬШОИ РУКИ), 4 դյուծին պղնձյա ունելիք, 14 գանակ, 3000 ասեղ, 2 հեռագիտակ, 30 ակնոց, 6 դյուծին ականջի օղ, 33 գլուխ շաքար (3 փութ), 12 արեգակի ժամացույց, 840 մատնոց, ժամացույցներ, խրուստալ, ափսեներ, հայելիներ, խաղալիքներ և այլ ապրանքներ: Ընդամենը 210 փ. 10 ֆ. 6385 ո. արժողությամբ, որի համար Մոսկվայի մաքսատանը վճարում է 659 ո. մաքս և փոխադրավարձ²:

Բանամենտուր Դավիդովը բերել էր 5689 արշին հոլանդական մահուդ և զանազան այլ ապրանքներ, ընդամենը 8808 ո. արժողությամբ, որի համար վճարում է 776 ո. մաքս և փոխադրավարձ: Գասպար Անդրեևը բերել էր 8905 արշին լավ և հասարակ տեսակի հոլանդական մահուդ և զանազան այլ ապրանքներ, ընդամենը 11557 ո. արժողությամբ և վճարում է 1108 ո. մաքս և փոխադրավարձ: Եսայի Խրիստաֆորովը բերել էր 4230 արշին մահուդ և բազմաթիվ այլ ապրանքներ, ընդամենը 5764 ո. արժողությամբ և վճարում է 560 ո. մաքս և փոխադրավարձ: Նազար Իվանովը բերել էր 9884 ուրլու մահուդ, ներկեր, պղնձյա արթուկներ, ոսկյա և արծաթյա իրեր, շաքար և այլ ապրանքներ, ընդամենը ավելի քան 3303 ո. արժողությամբ և վճարում է 1301 ո. մաքս և փոխադրավարձ³:

Նովոռոդի վրայով կատարվող առևտրի մեջ աչքի էին ընկնում նաև ջուղայեցի վաճառականներ Ստեփան Թովչենցը, Սիմոն Նազարովը, Բոգդան Մոսեսովը, Մակար Առաքելովը և ուրիշները:

1690-ական թվականներին, հատկապես Պյոտր I-ի՝ հայ առևտրականներին սիրաշահելու և հովանավորելու քաղաքականության շնորհիվ, էլ ավելի են ընդլայնվում հայ-ռուսական առևտրական կապերը: Հայ-ռուսա-

¹ ЦГАДА, ф. Сношения России с Арменией, 1696, д. № 4, лл. 1—52.

² Նույն տեղում, 1697 թ., д. № 3, лл. 2—3.

³ Նույն տեղում, էջ 4—12:

կան առևտրի մեջ, մանավանդ Ազովի գրավումից հետո, հետզհետե երևում են նոր մարդիկ, որոնք 3, 7, 13 և մինչև իսկ 20-ից ավելի մարդուց բաղկացած խմբերով, մեծ մասամբ բարեկամական կապերով կապված, սխառեմափկարար առևտուր էին անում Ռուսաստանի և Ռուսաստանի վրայոց Արևմտյան Եվրոպայի հետ:

Այսպիսով, 17-րդ դարի 60—70-ական թվականներից սկսած առևտրական սխառեմատիկ կապեր են հաստատվում հայերի և ռուսների միջև, որը 1680—1690-ական թթ. հետզհետե ընդլայնվում ու ամրապնդվում է: Հայ առևտրականների շնորհիվ արևելքի ապրանքների, գլխավորապես մետաքսի առևտրի մի գգալի մասի ուղղությունը Թուրքիայից դարձվում է դեպի Ռուսաստան: Մոսկվան, որը միջազգային առևտրի խոշոր հանգուցակետ էր, դառնում է նաև հայ առևտրականների սիրած վայրը, հայ-ռուսական տնտեսական կապերի ամենաաչքի ընկնող կենտրոնը:

Տնտեսական այս սերտ կապերի վրա քոյլ առ քայլ խարսխվում են հայ-ռուսական քաղաքական և կուլտուրական հարաբերությունները:

Հայ-ռուսական դարավոր հարաբերությունները չէին սահմանափակվում և չէին էլ կարող սահմանափակվել միայն տնտեսական կապերի շրջանակներում: Ինչպես արդեն նշել ենք, պատմական վաղ ժամանակներից սկսած ռուսների և հայերի միջև տնտեսական կապերի հետ մեկտեղ գոյություն ունեին նաև քաղաքական, ռազմական ու կուլտուրական կապեր: Սակայն, վաղ շրջանի քաղաքական բնույթի այդ կապերը իրենց էությունով տարբերվում էին քաղաքական այն հարաբերություններից, որոնք ստեղծվեցին հայերի ու ռուսների միջև 17—18-րդ դարերում:

17—18-րդ դարերի հայ-ռուսական քաղաքական հարաբերությունների հիմքում ընկած էր Հայաստանը Ռուսաստանի օգնությամբ բուրքական և պարսկական բռնակալության լծից ազատագրելու և Ռուսաստանին միացնելու գաղափարը:

Նախորդ դարերում այդպիսի հարց դրված չի եղել ոչ Ռուսաստանի և ոչ էլ հայերի կողմից: Ծիշտ է. դեռևս 16-րդ դարի կեսերին հայ ազատագրական շարժման զարթոնքի շրջանում, Ստեփանոս Սալմաստեցին Հայաստանի ազատագրության հարցով Եվրոպայում ապարդյուն գեզերելուց հետո, գնում է նաև Լեհաստան և Ռուսաստան. 16—17-րդ դարերի ռուս-պարսկական և ռուս-վրացական դիվանագիտական բանակցությունների ժամանակ առանձին դեպքերում շոշափվում են նաև հայերին վերաբերող հարցեր¹, Վրաստանից Ռուսաստան ուղարկված դեսպանությունների չափում լինում են նաև հայեր, բայց այդ և նման փաստերը դեռևս հիմք չեն տալիս ասելու, թե հայ-ռուսական քաղաքական հարաբերությունները ծագել են հենց այդ դարերում:

Հայ-ռուսական քաղաքական հարաբերությունները ծագել և որպես հայ-

¹ Տե՛ս «Памятники дипломатических и торговых сношений Московской Руси с Персией», под ред. Н. И. Веселовского, тт. I—III, 1890—1898 гг. С. Белокуров. Сношения России с Кавказом, вып. I, 1578—1613 гг. М., 1889, М. Броссе, Переписка на иностранных языках грузинских царей с российскими государями, 1639—1770, СПб., 1861, М. Полиевктов, Материалы по истории грузино-русских взаимоотношений 1615—1640, 1937 и др.

ոուսական օրինետացիա վերջնականապես ձևավորվել են 17-րդ դարի վերջում և 18-րդ դարի սկզբում:

Դրականության մեջ այս հարցի շուրջը մի քանի տարրեր և հակասական կարծիքներ են հայտնվել: Բուրժուական պատմաբան Ա. Երիցյանը միանգամայն սխալ կերպով անտեսել է մինչև 18-րդ դարը հայերի և ոուսների միջև եղած քաղաքական կապերը: Վերջերս, — գրել է նա, — Ռուսաստանի հետ հաղորդակցություններ ունեին դեռ ժ. Դարից առաջ, բայց այս հարաբերությունները միմիայն առևտրական էին¹: Հայտնի կղերա-պահպանողական Դ. Էզովը հայ-ոուսական օրինետացիայի ծագումը և հայ ազատագրական շարժումները կտրելով ժողովրդից, կապել է էջմիածնի հոգևորականության և կաթողիկոսների հետ: Այլ կերպ էլ չէր կարող վարվել մի մարդ, որի կարծիքով Վալատի համար նահատակությունը, կազմում է հայերի հասարակական կյանքի բնորոշ գիծը², Լիբերալ-բուրժուական պատմաբան պրոֆ. Լեոն, Մ. Ն. Պոկրովսկու հակամարքսիստական շեղումային դիրքերից գրած իր ռեզյումեի կապիտալը և նրա քաղաքական-հասարակական դերը հայերի մեջ՝ գրքում նույնպես միանգամայն սխալ և հակապատմական գնահատական է տվել 17—18-րդ դդ. հայ-ոուսական հարաբերություններին³:

Հայ-ոուսական քաղաքական հարաբերությունների ծագումը, մեր կարծիքով, ճիշտ չի լուսարանել նաև ընկ. Աշ. Հովհաննիսյանը: 1921 թ. հրատարակած Վայ-ոուսական օրինետացիայի ծագման խնդիրը աշխատության մեջ նա գրում է. «...մինչև 1720 թվականները ոուսական օրինետացիան ոչ միայն հայ ժողովրդական մասսաների քաղաքական մտայնությունը չի սնել, այլև ուղեցույց չի հանդիսացել վարիչ դասերից որևէ մեկին նրա քաղաքական որոնումների ճանապարհին»⁴: 1915 թ. Արարատը ամսագրում նա գրում է. «Մեկնելով ժ. Դարի հայ-ոուսական հարաբերությունների ընդհանուր բնույթից, հավանական չէինք համարել, որ դեռևս Հակոբ Զուղայեցու ժամանակ հայերը լուրջ ակնկալություններ ունենային մոսկովյան թագավորությունից. ամենից քիչը հավանական էր թվում մեզ այն, որ հայերը իրենց քաղաքական բախտը կարող էին առանց արտաքին հարկադրանքի, այդքան վաղ կապել բացառապես Ռուսաստանի հետ»⁵:

Վերահիշյալ հեղինակներից և ոչ մեկի հետ չի կարելի համաձայնել, քանի որ նրանց տեսակետները չեն հաստատվում գոյություն ունեցող փաստաթղթերով:

Այժմ մեկ առ մեկ քննության առնենք այդ փաստաթղթերը:

17-րդ դարի հայ-ոուսական քաղաքական հարաբերությունների վերաբերյալ գրականության մեջ հայտնի առաջին փաստաթուղթը՝ դա Հակոբ

¹ Փորձ, 1877—78 թթ., № 1, էջ 367: Բնագծումն իմն է. Վ. Պ.:

² Г. А. Эзов. Сношения Петра Великого с армянским народом, Введение, стр. X, 1898, СПб.

³ Լեոն, Ռեզյումեի կապիտալը և նրա քաղաքական-հասարակական դերը հայերի մեջ, Երևան, 1934:

⁴ Աշոտ Հովհաննիսյան, Հայ-ոուսական օրինետացիայի ծագումը, 1921, էջմիածին, էջ VI:

⁵ Արարատ, 1915 թ., № 9—10, էջ 776:

Տեղեկագիր 7—8

կաթողիկոս Զուղայեցու լատիններեն նամակն է, գրած ուսական արքունիքին:

Դժրախտարար հայտնի չէ, թե երբ է գրվել այդ նամակը. հավանական է, որ նա գրված լինի 17-րդ դարի 70-ական թվականների սկզբներին, Լվովից էջմիածին եկած լատինագետ Ստեփանոս Լեհացու ձեռքով:

Նամակում Հակոբ կաթողիկոսը ցարին հայտնում է, որ պարսիկները ծանր հարկեր են գնում իրենց վրա, ճնշում, դավանափոխ են անում և խնդրում է օգնություն հասնել, պաշտպանել իրենց, ազգել պարսիկներին վրա, որպեսզի այսուհետև այդքան չտանջեն իրենց:

17-րդ դարի հայ-ոսական քաղաքական հարաբերություններին վերաբերող մյուս փաստաթուղթը դա Դանձասարի Պետրոս կաթողիկոսի նամակն է, գրած Ալեքսեյ Միխայլովիչին, որը հայտնաբերվեց Մոսկվայի Հին ակտերի Պետական կենտրոնական արխիվում մեր կատարած ուսումնասիրության ժամանակ: Այդ նամակը, որի գրություն թվականը նույնպես հայտնի չէ (հավանաբար գրվել է 1670—1671 թթ.), 1672 թվականին իր հետ բերել է Դ. Լուսիկովը՝ Սուլեյման շահի, Անտիոքի Մակար կաթողիկոսի, Հայկական առևտրական ընկերության անդամների և լեհական դեսպան Բոգդան Գուրդիայի գրությունների հետ միասին: Պետրոս կաթողիկոսի նամակը, որն ըստ երևույթին գրված է Լուսիկովի պահանջով, ավելի շուտ վերաբերում է Պուղայեցի հայ առևտրականներին, քան հայ ժողովրդին: Նամակում ասված է. «...Գու մեծ թագավոր Գրիգոր Լուսիկովին և մյուս հայերին գրամոտա ես շնորհել, որը նորին մեծություն շահ Սուլեյմանը ընդունել է գոհունակությամբ և սիրով և քեզ մոտ է ուղարկում իր ներկայացուցիչ Գրիգոր Լուսիկովին՝ պայմանագրի մասին խոսելու, հույս ունենալով, որ նրա հայտարարությունը ձեզ համար, մեծ թագավոր, հաճելի կլինի: Սպահանի հայ վաճառականները լսելով այդ մասին շատ գոհ են եղել և Գրիգորի հետ քեզ նամակ են ուղարկել... Աղոթում և խնդրում ենք քեզ, մեծ թագավոր, որպեսզի դուք ողորմեք առևտրականներին, որպեսզի նրանք ապահով զան քո երկիրը: Աղոթում ենք նաև... որպեսզի քո և քո պետության փառքը բազմապատկվի, ինչպես Սողոմոն պաշտպանեք և մեր ժողովրդին, որպեսզի անօրենների մեջ մենք չմնանք առանց ապաքինություն»:

Էջմիածնի և Դանձասարի կաթողիկոսների դիմումները ուսական կառավարությանը՝ պատմական ուշագրավ փաստաթղթեր են և անկասկած դրանք որոշ դեր կատարել են հայ-ոսական օրինատաղիայի նախապատրաստման գործում. Հետևաբար ճիշտ չեն այն հեղինակները, որոնք անտեսում և կամ թերագնահատում են այդ փաստաթղթերի տեղն ու դերը հայ-ոսական քաղաքական հարաբերությունների պատմության մեջ: Բայց քանի որ ոչ Հակոբ կաթողիկոսը և ոչ էլ Պետրոս կաթողիկոսը իրենց դիմումների մեջ չեն դրել Ռուսաստանի օգնությամբ Հայաստանը ազատագրելու և այդ գործում հայերի կատարելիք դերի հարցը, չեն առաջա-

¹ ЦГАДА, ф. Сношения России с Арменией, 1724, д. № 2, лл. 5-6. Արարատ, 1915, № 9—10, էջ 737:

² ЦГАДА, ф. Сношения России с Арменией, 1672, д. № 3, оп. 122, л. 5. Այս փաստաթղթի լրիվ տեքստը հրատարակվում է Պատմության ինստիտուտի կողմից տպագրության հանձնված «Армяно-русские отношения в XVII веке» ժողովածուի մեջ:

գրել որևէ քիչ թե շատ ամբողջական քաղաքական ծրագիր և չեն հասել շոշափելի արդյունքի, ուստի ճիշտ չէր լինի այդ կաթողիկոսների անվան հետ կապել հայ-ոստական օրինենտացիայի ծագումը, նրանց համարել հայ-ոստական քաղաքական հարաբերությունների հիմնադիրներ, մանավանդ, որ հայտնի էլ չէ, թե ոստական արքունիքը ինչ պատասխան է տվել այդ գիմումներին:

Ռոսական արքունիքի հետ 1672--1673 թթ. վարած իր առևտրական բանակցությունների ժամանակ, ինչպես արդեն նշել ենք, քաղաքական-գիվանդիտական բնույթի որոշ հարցեր է շոշափում նաև Զուղայի Հայ առևտրական ընկերության և շահի ներկայացուցիչ Դրիգոր Լուսիկովը: Դեսպանական պրիկագում առևտրական պայմանագրի մասին բանակցություններն ավարտելուց հետո, երբ Լուսիկովին հարցնում են՝ իրենց հետ ուրիշ գործ ունի թե ոչ, նա պատասխանում է, որ ունի, բայց վախենում է, որ շահն իմանա, ուստի հրաժարվում է գրավոր հայտնելուց, խոստանալով բանավոր հայտնել:

Ի՞նչ գաղտնի գործ էր, որի մասին Լուսիկովը վախենում էր գրավոր հայտնել Դեսպանական պրիկագին, դժբախտաբար մնում է անհայտ և դժվար է միայն այդ հայտարարությունների հիման վրա որոշակի բանասել նրա քաղաքական գործունեության վերաբերյալ: Համենայն դեպս Լուսիկովի հայտարարությունից երևում է, որ նա հակված էր դեպի Ռուսաստանը և պատրաստ էր ավելի հավատարմորեն ծառայելու ցարին, քան շահին:

Լուսիկովի քաղաքական գործունեության մասին որոշ տեղեկություններ կան նաև 1671 թվականին Ալեքսեյ Միխայլովիչին գրած նրա նամակներում: Այդ նամակներից մեկում Լուսիկովը հայտնում է ցարին, որ նա կարգադրություն անի՝ Պարսկաստան գնացող իր դեսպանին պահել Աստրախանում, մինչև որ ինքը Մոսկվա կհասնի, որովհետև ինքը երեք բան է բերում, որոնց հետ ծանոթանալուց հետո, գուցե ավելորդ լինի դեսպանի Պարսկաստան գնալը:

Այնուհետև նա գրում է. «Դարձեալ զ(6) տարի այ որ մեծ թագաւորին ղուլուղեն ցոկվել այմ գնացել զամբում, ր(2) տարի թամայմ շայ Սըլեմանին դըրուցն կացել այմ, զլիօվս, ապրանքովս, խուգովս քե մեծ թագաւոր ղուլուղ այմ արարել, վասն քրիստոնեութեան խաթեր համայր, աստուած սաղթուղութ անի կենդանի մնամ, էլ ղուլուղ կանեմ քե մեծ թագաւոր»:

Այս փաստերը ցույց են տալիս, որ Հայկական կոմպանիայի ներկայացուցիչը առևտրական գործերի հետ միաժամանակ կատարում էր նաև քաղաքական հանձնարարություններ: Ինչու՞մ էր արտահայտում նրա քաղաքական գործունեությունը:

Լուսիկովի քաղաքական գործունեությունը հիմնականում կապված էր հակաթուրքական կռաւիցիայի ստեղծման հարցի հետ¹: 17-րդ դարի 60—70-ական թվականներին թուրքական էքսպանսիայի վտանգը կախված էր ոչ միայն արևմտաեվրոպական մի շարք պետությունների, Լեհաստանի, Ռուսաստանի, Արևելյան Անդրկովկասի, այլև Պարսկաստանի վրա: Շահա-

¹ Այս մասին տես ԳԱՀՀ Զաս. գիտ. բաժ. «Տեղեկագիր», 1948 թ. № 1, վ. Ոսկանյանի «Հայ-ոստական հարաբերությունները 17-րդ դարում» հոդվածը:

դովրդի մեջ հող չունենար, ապա չէին էլ կարող լինել ոչ էջմիածնի կաթողիկոսի և Գանձասարի պատրիարքի գիմումները, ոչ Լուսիկովի բանակցութիւնները և ոչ էլ 1678 թվականի էջմիածնի գաղտնի ժողովը և Արևմտյան Եփրոսայի ու Ռուսաստանի օգնութեանը գիմելու քայլերը:

17-րդ դարի երկրորդ կեսում տեղի ունեցած քաղաքական այս կարեւոր իրադարձութիւններն արդյունք էին հայ ժողովրդի և նրա իշխող խավերի առևտրականների՝ մելիքների, հոգևորականութեան մեջ առաջացած տրամադրութիւնների: Հայ ժողովրդի տարրեր խավերը ունենալով հանդերձ տարրեր շահեր ու ձգտումներ, թուրքական ու սլաւոնական լծից ազատագրվելու իրենց հույսերը կապում էին Ռուսաստանի հետ: Ճիշտ է, դեռևս 16-րդ դարի կեսերից որոշ հույսեր կապվում էին նաև Արևմտյան Եփրոսայի հետ, բայց հայ ժողովրդի հեռատես գործիչները շուտով նկատեցին, որ դա Հայաստանի ազատագրութեան ուղին չէր և երես դարձրեցին նրանից:

17-րդ դարի վերջում և 18-րդ դարի սկզբում մի կողմից Ռուսաստանի արևելյան քաղաքականութեան ակտիվացման, իսկ մյուս կողմից հայ ազատագրական շարժման աշխուժացման սլայմաններում, հայ ժողովուրդը վճռական շրջադարձ կատարեց դեպի Ռուսաստանը, իր ազատագրութիւնը մեկ ընդմիջտ կապեց նրա հետ: Հենց այդ շրջանում էլ վերջնականապես ձևավորվեց հայերի ոստական օրիննտացիան, որի հիմնադիրը հանդիսացավ իր ժամանակի ամենաառաջավոր քաղաքական գործիչ, հմուտ գիտնազետ և ջերմ հայրենասեր Իսրայել Օրին:

Հայ-ոստական հարաբերութիւնների այդ նոր ու ավելի բուռն զարգացման շրջանի պատմութեանը կանգրադառնանք մի այլ հոգովածով: